



2672

Microfilm

V

628





✓
3490

V8'528 inv. 2572

Desinfectien
B.V. Dec 1980

V. 82628 in 1572
L E

MIROIR D'ASTROLOGIE NATVREL.

Traictant de l'inclination de l'homme, de sa
natiuité, de tous les mois de l'année, & de
tout ce qu'il peut auoir de bien ou mal.

*Avec vn traicté de la complexion & maladies des
femmes, de leur inclination du bien & du
mal, & de leur vie.*

Où est adjousté de nouveau la cognoissance
de bonne & mauuaise fortune.

Par SINIBAL DE SPADACINE, de Cha-
teau-neuf, Astrologue de l'Est et de Milan.



A PARIS.

Chez PHILIPPES GAULTIER, rue des
Amandiers, au Pelican.

ET

En la Boutique au troisieme Pillier a la
grand' Salle du Palais.

M. DC. XXXI.



PROEME DE L'OEUVRE.




OMME tout homme
est desireux de sçauoir
ce que luy peut adue-
nir, moy Sinibal de
Spadacine de Chasteauneuf de Scri-
uie, de l'estat de Milan, Astrologue,
me suis delecté en ceste excellente
profession d'Astrologie, dépendant
des incisions celestes, de laquelle s'en-
suivent tous biens, comme preuue
Ptolomée. Ce neantmoins me suis
resolu de faire imprimer ceste œuvre
nouuelle, appelée Fleurette d'Astro-
logie naturelle, pour satisfaction &
contentemēt de tous hommes curieux
& doctes, & pour l'allegresse de leurs
cœurs, monstrant toutes les choses ac-

cidentelles, lesquelles *vrayement* inclinent aussi tous les signes naturels, qui paroissent sur le corps humain, & aux estoiles fixes, selon l'observation & preceptes donnez de l'ingenieuse inuestigation des choses celestes: Mais ie veux aduertir Messieurs, que non seulement tous les Astrologues, mais aussi les Philosophes & Theologiens consentent, que les corps celestes ont gouvernement & domination absoluës sur les choses Sublunaires, & par consequent sur les corps: mais il est vray què l'homme par sa libre volonté peut resister à l'inclination des estoiles & planettes, ainsi qu'escriit Ptolomée en son *Careparti*, & Aristote preuue que l'on peut fuir & éuiter le poinct perilleux par la prudence. Sapientis do-

minabitur astris, ainsi tout homme
deuroit s'efforcer à faire resistance,
d'autant qu'il escrit, que le sage &
docte se peut garder de la constella-
tion & de sa malignité, lors qu'il se
sent incliner à telle chose, pource que
alors toutes natures ne sont bonnes,
ainsi ce n'est chose difficile de re-
sister à l'influence naissant du ciel
& concepts. Et en la natiuité que
le liberal-arbitre est propre de nostre
volonté, & s'il se peut faire ainsi
sans autre repugnance, non moins est
vray-semblable que l'on peut se
garder des choses contraires, & esli-
re le bon par la grace de Dieu, &
les creatures se doiuent regir selon la
raison qui est pardessus tout: quel-
ques-uns ont eu vraye seigneurie,
& sur le destin plus que l'estoile ne

monstroït, toute leur force absolument en nostre ame, qui est chose diuine plus qu'autre chose: mais pource que les creatures se gouernent plus selon le sens que par raison, viennent comme chose terrestre, estre subjects à toutes influences celestes, & priuez de la grace. Mais si le curieux Medecin peut éuiter les effects causez des planettes, pource qu'il ne pourra faire nostre vouloir, & parlent tous adeuinateurs, que ce qui concerne aux choses futures & contingentes, il ne se peut déterminer rien de certain, & qui dira le contraire, sa doctrine est vaine, digne d'estre chastiee, comme sont la Negromantie, Geomantie, Idromantie, Piromantie, Aromantie, & la Russine, lesquelles toutes n'ont fondement, & si lors sont de

peu de valeur & debile science, & pour ceste raison sont refutez de la Ste Eglise, & pource moy, Sinibalde Spadacine, declare à tous que les estoiles fixes, lesquelles sont cognuës de tous Astrologues sont mil cent vingt-deux, diuisées en quarante-huict images, ou figures, & sept planettes en sa nature, parquoy ceux qui naissent en ces signes & mois desquels vient l'influence en ces choses inferieures, ne sont tirannisez de telles estoiles par le respect de nostre liberal arbitre. Cecy est l'Heroscope de l'œuure qui ne contredit à Dieu, ny à sa Saincte Eglise.





MIROIR
D'ASTROLOGIE
NATVREL.

*Premierement les douze mois, où se
voit l'inclination de l'homme, &
ce qui luy peut arriuer.*

IANVIER.



*L'HOMME qui naist au
mois de Ianuier sera in-
cliné du Ciel au sous es-
crit. L'homme né en
ce mois l'incline en premier de
visage & stature briefve, ny grád
ny petit, de couleur obscure,
quasi blanc, la barbe frisée, il au-*

ra vn peu du blond, barbe longue & belle, belle presence, amable, la voix piteuse, delectable, ny gras, ny maigre, ou macilleux: & selon la coustume incliné d'estre aymé du peuple, pour ce qu'il sera de nature benigne, sçauant, & de bonnes coustumes. Et selon l'humeur incliné à variété, fantastique & colerique, qui detestera en soy, il sera subiect à croire quelques choses qui luy soient dites, facil de s'oublier & de venir en colere, mais tost apres retournera en soy avec benignité, hors de la colere sera doux comme aigneau, sera traitable, bon de practiquer avec luy, monstlera la presence iocunde, mais plusieurs fois sera me-

lancolique, plus selon l'inclina-
tion de l'ame, demonstlera estre
d'Eglise avec bon succez, fera
docte, aymera de seruir à Dieu,
incliné à bonne science & con-
science, desireux d'apprendre,
& d'honneur, & d'auoir enfans
pieteux, il ne voudra bien d'au-
truy, & s'il en a les rendra, pour-
ce qu'il voudra viure de son tra-
uail. Plus, les signes celestes l'in-
clinent à souffrir grand trauail,
& fortune en sa ieunesse, com-
me furie, misere, calamité, il fera
beaucoup de voyages, & desire-
ra de voir le monde, pâtira vne
grande maladie apres estre nay,
& és douze ans, plus souffrira
quelque inconuenient aux pieds,
& douleur de teste, aymera la

femme , & aura vn signe sur le bras, ou sur le genoux, ou en la poictrine , ou au pied gauche. Plus, les estoiles l'inclinent à questions, de laquelle procedera cicatrice, & se doit garder de l'eau. Plus, le ciel le menace de perdre la premiere femme en diuerses façons, & par le mariage est en risque d'acquies grands biens, & quelque peril de mort, sera incliné de faire mieux ses affaires hors de sa maison, qu'en sa patrie, és trente ans aura vne grande maladie, mais il en eschaperá, il en aura vn autre sur les 35.ans, qu'il se garde en ceste année de ne prendre medecine, ou autre chose veneneuse passé les 36.ans, il sera plus prospere en son trafic

& gain que pour le passé, il fera enclin à trois grandes maladies, comme humeur melancolique, passion de cœur, douleur de teste, & frenesie, fièvre pestilentielle, douleur de reins, retention de l'urine, fièvre quarte, froide & pestilentielle, mal aux iambes, telles maladies luy pourront venir en diuers temps, vne maladie notable pourra auoir aux trente trois ans, & l'autre maladie aux quarante deux ans, plus vne autre laquelle le menace de peril és cinquante-huict ans, bien qu'il se sauuera & viendra l'vltiesme maladie és ans du dernier de sa vie qui sont 75.

F E V R I E R.

L'Homme qui naist au mois de Feurier sera incliné à ce qui s'ensuit. Selon la stature sera long, le visage roux & de bonne couleur, vn signe encouuert de honneste stature, le corps mol & blanc, la poiètrine belle, belle barbe, le front beau, grand & clair, l'œil subtil & apparent de bonne vie, charneux & honneste en tous ses affaires, & bon pour pratiquer, aymera les viandes aigres & choses humides, & froides, se delectera de l'eau, amy de la pescherie & choses semblables. Plus aymera la conuersation des hommes, de paix courtois, sera incliné à estre honne-

ste. Plus les estoilles le font timide de parler peu, si quelqu'un luy parle, il sera difficile à la response. Sera enclin à la luxure, & peu ventueux au ieu. Plus sera enclin d'auoir beaucoup de biens & pouuoir, avec beaucoup de pecune sous son pouuoir, parlera mal d'autrui, il n'aura de besoin que nul luy die de ses affaires, d'autant qu'il ne le tiendra secret, il sera fascheux, & pour peu de chose entrera en colere. Plus les planettes l'inclinent à peril de perdre la premiere femme, ou on la gardera, pource qu'elle sera prise ou desrobée, ou violée par force. Il sera enclin d'estre peu en sa patrie, il fera grand voyage, duquel il aura

gain, & doit estre incliné à trouver sa venture hors de son pays. Plus selon à la coustume, sera paresseux, & pour sa negligence perdra plusieurs choses pour n'estre sollicitieux comme il deuroit. Sera du ciel incliné d'auoir sa venture des vingt-deux iusques à quarante & deux ans, il n'envieillira pour n'estre pauvre selon sa qualité. Plus de signes celestes est enclin d'estre cauteleux, dira faire vne chose, puis fera vn autre, il ne se souciera plus de ses promesses: tellement qu'il n'est de besoin de s'y fier trop ayant ses excuses à propos, bien que non tousiours & selon l'infortune sera incliné à faire mourir deux femmes: le menas-

menassât la planette d'une brus-
leure de feu , ou bien brusler sa
robe ou habits, il aura peu d'en-
fans, & luy sera fait grande mes-
chanceté & trahison , sera que-
rellé à tort, faict à propos bien
qu'il ne soit vray. Sera enclin à
grande fortune, travaux, & des-
plaisirs, trompé en plusieurs cho-
ses, & blasmé à tort, se doit gar-
der des animaux, portera peril
d'estre mordu d'un chien. Et se-
lon la coustume dormira bien,
aura une maladie és yeux, pâtira
mal de jambe, ou pied, ou autre
disgrace. Plus le menace le ciel
de tomber malade és douze ans,
& és quinze, encore le menace
d'un autre maladie és vingt, ou
vingt-un an, & une autre nota.

ble sur les trente ans , sans plus
l'vltiefme és ans de sa vie 38.

M A R S.

L'Homme qui naist au mois de
Mars incliné du Ciel à tout ce
qui s'ensuit. Premièrement selon
sa fisionomie sera de stature me-
diocre, belle teste, non trop blâc,
la plus part ont quelques signes
semblables à ceux de verolles, le
poil couleur de chataigné ou
blond & frizé, la barbe belle, il
sera gras, la voix feminine, aura
quelque signe au pied gauche
ou droit, sera parleur ou bien
raisonnaire facilement, aymera
le pain bien cuit, la crouste, la
viande rostie, & les viâdes salees,
aymera le potage, & chose hu-

mide, comme pescher, bain, fontaines, riuieres, & lacs, ira se promener sur leau, en iardins & toutes choses semblables qui seront ioyeuses, aimera le chant delicieux, la Musique, Comedies, & toutes choses plaisantes, aimera d'oüyr toutes sortes d'instrumēs, de sonner, il aura grand soin de l'argent, & des femmes: il se trouuera bien de la femme, il sera feminin, & aura grand contentement d'auoir des enfans. Plus aura inclination de seruir à Dieu, & d'estre Ecclesiastique, peu se font prestres, pource qu'ils sōt enuieux & incredules, tousiours doutent que le proxime les vueille tromper, considerent en leurs actions, craignant que le viure leur doit

faillir, souuentesfois se mettra en
desespoir, & monstrera en sa
presence ioyeuseté, mais quel-
quefois melancolique: tels hom-
mes sont gaillards, de pensemens
hauts, & de bon engin, suiura les
lettres par voyes de vraye scien-
ce & honneur, il sera gracieux &
aimable, aimera la conuersation,
se verra riche & de moyens,
selon son estat, aimera l'estude
de Theologie, & aura beaucoup
de choses en son pouuoir, plus
est incliné à la colere, mais sou-
dain tournera en soy, sera mis-
ericordieux, se pourra voir ven-
du de ses ennemis. Plus sera in-
cliné d'estre blessé de fer au visa-
ge ou teste, & mal aux pieds, &
de perilleuses questions, d'inimi-

riez prouenuës d'enuie , aura
beaucoup de mal & fascherie en
sa ieunesse , tombera d'en haut
auec peril d'eau , affrons de ses
ennemis sur les vingt - deux ans,
semblablement en ce temps sera
pauvre, puis aquerra force biens,
il aura peu de biens paternels, &
s'il en a il les consommera, & n'en
pourra iouir , ne prenne femme
auparauant les 22. ans , pource
qu'on luy donnera vne vefue,
ou vieille, & non fille, pauvre, mal
faine, sans mariage, sera peu ad-
uantureux en femmes. Passé les
vingt - cinq ans sera enclin d'a-
uoir vne belle femme d'honneur
sage, aimable, & en aura des biés,
ce luy sera chose facile d'auoir
femmes; d'auantage s'il passe les

30. ans, chāgera de meilleure sorte, s'il vit ensemble en ce dit tēps, aura beaucoup de mal & tribulations, souffrira mal sus la teste, il fera de volonté obstiné & perfidieux, estāt petit enfāt aura beaucoup de maladies, vne és sept ans, l'autre és douze, & l'autre sur l'vltiesme de son aage. Sera incliné d'auoir vne brusleure de feu ou d'eau bouillante, en la vie, és 26. 36. ou 38. & passant tel terme aura l'vltiesme maladie à 75. ans de sa vie.

A V R I L.

L'Homme qui naist au mois d'Auril, sera du Ciel incliné à tout ce qui s'ensuit. Premieremēt sera enclin d'estre brun, la

teste temperée & grande, la bouche grande, le col gros, plain de chair signalé à la levre ou au col, ou à la teste, ou à l'œil, de couleur meslée, tirant à roux, sera enclin d'estre furieux, colere, presomptueux, hardi, peu audacieux, cruel. Plus il sera encliné du ciel d'aimer les femmes, & pour ceste cause il sera mal traicté, & le menace trahisons, querelles, inimitiez, exils pour ceste occasion; pourra auoir beaucoup d'aduersitez, infortunes, affrons des personnes, pour telle occasion s'en ira hors de sa patrie, abandonnant ses parens, sera si fascheux qu'il ne pourra viure avec nul, sera auaricieux en la despence de sa maison, & hors d'icelle libe-

ral avec ses amis & compagnons qu'il aimera, sera liberal & aimable, & fera de bon cœur service. Plus sera enclin d'auoir belle grace au parler, & en la coustume il sera enclin d'auoir de mauuaises coustumes, aimera le bien d'autrui, il sera fortuné à vendre & acheter, quoy que ce soit, & autres siens affaires, il sera enclin d'auoir bonne fortune en matrimoine, acquerra richesse, honneur, pouuoir, & beneuolence, aura femme riche plus que noble, avec quelques heritages ou succession non pensée, & en doubte selon la malfortune d'estre fugitif pour quelques ans, & sera desrobé. Plus est incliné d'auoir playes en la teste,

reste, au col avec fer ou bien autre chose, ou autre mal en tels lieux, il sera gaillard, mais sollicitueux & studieux, diligent en ses affaires, travaillera librement, & quelque chose qu'il commencera la finira, & croy qu'il luy en viendra bonne fin, ce qu'il sçaurane le pourra taire & le practiquera, se doit garder du feu pour ce qu'il en pâtira quelque violence. Sera incliné du Ciel d'avoir vne maladie en la douziésme année, vn autre en la quatorze, autre en la seize, autre en la dix-huictiésme, & à la fin vne grande maladie perilleuse de mort, puis és trente ans changera de meilleure fortune, se verra vendu de ses ennemis, il aura

pouuoir & office de commander
sur les autres, & fera obey, gou-
uernerà famille, ou autre autho-
rité selon son degré & qualité, &
le tout luy reüssira bien: il est me-
nassé d'vne cheute d'en haut, mais
il est incliné d'auoir bonne for-
tune à vendre draps, habits de
foye, marchandise de laine, escar-
latte, & animaux quadruples
pour l'agriculture, pâtira mal à la
bouche, comme scrofulle, squi-
nancie, abondance de sang, & hu-
meur colerique, douleur de dêts,
souffrira vne maladie sur les 40.
ans, puis s'il la passe viendra plus
riche, & sur la fin de 74. ans doit
mourir de bonne mort.

M A Y.

L' Homme qui naist au mois de May, sera incliné du Ciel à tout ce qui s'ensuit. Premièrement sera incliné d'auoir le mal de Naples, comme playes, vlceres, nœuds, fistulles, pelade, & autres maux, sera guery du mal, luy demeurant tousiours quelques reliques dudit mal, se sentira tousiours de douleur dans les os. Et selon sa physionomie sera bel homme, de belle stature, moderé, désiré en compagnie, bien fait, blanc, de veuë delicate, de stature moderée, beau corps, en tout bien composé, & aurium ventris ac crurium dolores, complexion froide, quel-

quesfois melancolique , la plupart ioyeux , peu libidineux , & fera bien voulu pour sa vertu & gentillesse , viura bien avec propriété & honneur , sera debile d'estomach , aimera la chose nette , & trouuera sa venture aupres des Princes & grands Seigneurs , ou de quelque grand personnage , & se la sçaura garder , il est incliné d'aller en diuers pays , terres differentes , & eitez loingtaines , acquerra grand credit , beneuolence & amitié de la personne honorable & bonne , doit encores acquérir richesses , sera beaucoup estimé des gens , non pour sa force , mais pour sa vertu , sera amy des estrangers , & les aime-

ra plus que ceux de son pays, fera grande courtoisie à autrui, sera courageux, & se sçaura deffendre au besoing, donnant bonne opinion de sa personne, il donnera bon conseil à tous ceux qui practiqueront avec luy, se delectera des choses belles, & d'estre bien habile, gallant, ambitieux, il voudra les habits somptueux, beaux & honorables, fera son art & vacation honorablement, il s'addonnera à plusieurs sortes d'exercices ou arts, principalement à la marchandise, science & office, selon sa qualité & office sien, le tout avec diligence, sans nul scandale, & en sera loué en diuers lieux: il sera enclin à la colere & scrupuleux,

peu de chose le fascheront & molesteront, les choses petites luy apparoiſtront grandes, il ſera gracieux & aimable, refutera la concupiſcence, & aimera pluſtoſt d'eſtre d'Egliſe, pource qu'il naiſt en ce mois, la pluſpart s'inclinent d'eſtre clauſtrals. Et ſelon la couſtume murmurera des autres defections, ſera de bonne couſtume, & ſera ialoux de ſon honneur, & en fera grand conte: & quant à la fortune, le Ciel le menaſſe d'une mordure de chien en une iambe ou ailleurs, ſera accusé à tort d'auoir commis vn delict, & ne ſera veritable, pluſieurs fois ſera mis en priſon, mais il en ſortira avec honneur, il porte peril d'eau

pour turbation ou peur. Plus sera
suiet à beaucoup de maladies,
particulièrement au premier an,
autre plus grande en la sixiesme
année, autre maladie en la dou-
zième année, & autre en la 25. an-
née, il aura peu d'enfans, & luy
dureront peu ses freres, sinon vn
ou deux au plus; mais avec diffi-
culté, en ce tēps aura vne femme
honorabile, laquelle mal partira
plusieurs fois, de quoy le pere en
prendra grande melancolie, seu-
lement en aura deux qui viuront
bien fortunez, & seront de bon
entendement. Plus celuy qui nai-
stra en ce mois pâtira vne grande
maladie és trente ans, puis chan-
gera de meilleure fortune en ses
affaires, puis pâtira vne grande

maladie extrême & perilleuse de mort és 42.ans,& si par cas eschape viura 52.ans,&pourra prolonger iusques aux 69.

I V I N.

L'Homme qui naist au mois de Iuin, sera incliné à ce qui s'ensuit. Sera de stature breue & brunc, de couleur d'oliue, avec quelque signal ou signe és genitaux, quelquefois empeschement de parler, debilité és membres, peu habille & ingenieux, ou bien insensé, avec beaucoup de poil, le front estroit, de grosse memoire, dur d'apprendre: plus, pourra auoir vn signal au bras droit ou en la iambe, il sera incliné d'estre vain, bien qu'il sera habi-

le de parler , & de bonne conscience, viura sans mauuaistié , sera attentif en ses affaires, sans rechercher les faits d'autrui , sera gallant , & despendra quantité de moyens en recherche des femmes, & aura grand trauail , aimera tous , mais sera peu aimé des femmes, combien qu'il mette son industrie de gagner pour toutes, & pour ceste chose il ne fera chose qui luy soit agreable , & avec grande beneuolence les aimera, sera ioyeux, la presence allegre , & est incliné d'auoir beaucoup d'ennemis, & avec le temps les verra venir en pauureté, & sera plus aise que tous, il sera subiect à se fascher promptement, mais luy durera peu, se-

ra quelquesfois molesté au logis, mais sera de trauail, dira ses folies si bien composees, qu'elles sembleront choses vrayes, sera subiect d'estre trompé, & enclin de tomber de haut, & de mordre de chien. Il sera subiect à quelque cruelle fortune de ses parens, & doit soustenir beaucoup de perils en sa ieunesse. Plus se doit garder de l'eau portant peril de la vie, soit en la Mer ou Riuieres, suffocation de catterre & autre chose semblable, humide & froide, & acatique, & aura peur de l'eau, passera grandes questions, & doit passer affrons des gens, souuentesfois il ne sçaura ce qu'il fait, il ne doit aller de nuit, ou passera grand

peril de vie par fer ou cicatrice
és parties nobles. Plus le Ciel l'in-
cline à brulure de feu, & en au-
ra quelque signe nuisible au
corps ou à la robbe, & se doit
garder de cheminer en temps
fâcheux, pour le peril qu'il por-
te de se suffoquer, ou de quelque
sagette ou chose semblable, &
s'il passe tels perils pourra trou-
uer biens, comme robes, ioyaux
& argent perdus, doit eschapper
de mort inaduertie, il sera cu-
rieux de toute chose, & desireux
d'esles, & procurera de les auoir
avec toute diligence, souffrira
grande passion pour vne femme
au grand desplaisir, & luy passe-
ra telle fantasie, il aura des en-
fans de luy aymez, il ne doit ac-

querir beaucoup de biens & richesses, & s'il les acquiert les perdra par enuie, il aura diuerses fortunes, & doit en sa ieunesse pâtir neccessité, ne trouuant pain pour argent, il luy fera de besoing d'employer ses amis de luy donner secours & aide à son besoing, doit tomber en inimitié de tous ses amis, mais il ne sera long-temps de retourner en grace de tous, avec paix perpetuelle, sera solitaire & melancolique à part soy, il n'aimera trop la compagnie sinon celle des femmes, sera de peu de paroles, difficile à respondre, sera de grande estime & reputation, sera detenu aupres des hommes de bien. Et selon la maladie

qu'il est incliné, il en souffrira
vne és 24. ans, de 30. ans en auant,
il fera bien ses affaires & negoces,
changeant de meilleure fortune,
& lors seront passez tous ses mal-
heurs, bien qu' auparauant ledit
temps sera mis trois fois en pri-
son, & en sortira avec maladie de
melancolie, de peur & timidité,
sera flegmatic & souffrira passion
de poitrine, attrition de nerfs
spame, vertigine, mal de cœur;
douleur au bras, aura deux fem-
mes honorables, peu d'enfans, &
aura vne maladie és 32. ans, & s'il
en eschape viura iusques à 73.



I V I L L E T.

L'*Homme qui naist en Iuillet,*
sera incliné du Ciel à tout ce
qui s'ensuit. Sera homme de belle
face ronde, les cheueux rosez ou
blonds, de stature breue honne-
stement, aura vn signe naturel
ou artificiel, cicatricé en la barbe,
ou pres de l'œil, sera naturelle-
ment plustost grasse que mai-
gre, les sourcils velus, & au-
tres sont de visage lantigneux, de
corps velu, de couleur rougeastre
ou couleur moyennemēt meslée
auec le blanc, les yeux de differen-
tes couleurs, belle presence,
droit, & les pieds delicats, & tout
le corps, sera incliné selon la
coustume d'estre hardy, & de

grand courage , fort & beau à
merueille , soudain il s'oubliera,
mais soudain il tournera en soy,
il sera assez molesteux au logis,
l'on luy verra dire quelque folie
semblable à la verité , il sera
trompé, sera honteux au parler,
sera misericordieux, & luy sera
faict quelque fascherie grande-
ment nuisible, & se prenant gar-
de il s'en liurera , & aimera son
honneur, & pour ce il sera aimé
& bien voulu des personnes, le
desirant en conuersation, sera
gracieux & doux, non estant en
colere ; mais estant fasché fera
choses estranges, ira en plusieurs
lieux du monde, & pourra pâtir
grandes peines & mescontente-
mens, cherchera pays diuers &

estrangers: & plus pour les femmes que pour autre occasion, sera enuieux, aimant le bien d'autrui pour n'en auoir du sien, avec le temps pourra pâtir grande tribulation, les femmes tuy plairont, il dira librement mal d'autrui, il sera subiect à murmurer pour auoir mauuaise langue, dont en receura grand inconuenient. Plus, pour respect des femmes, sera incliné d'auoir quelques infortunes, & pour respect d'elles acquerra beaucoup de biens, & enrichira par sa femme, & en aura des enfans, lesquels avec le temps viendront à grande heresie, dissention, difference, querelles, & questions, & selon la disposition de
l'esprit,

l'esprit, sera homme prudent & sçauant, aura beaucoup d'affaires, sera long en les affaires, sera iracondieux & courageux, & de la fascherie tiendra son ire secret, *ferendum impius*, sera obstiné, tellement que nul ne le pourra appaiser & conuertir sa colere, il ne cognoistra à nul, si non à soy-mesme, sera prompt en leçon, pour estre de complexion chaude & seiche, laquelle luy donnera empeschement & peine iusques à 40. ans, sera incliné à passer tous ces trauaux. Plus, pâtira douleur de teste, & grande douleur de reins, sera incliné à la fièvre quarte longtemps, dont il en pourra mourir : il est en danger d'auoir vne



playe de fer ou feu en la teste ou au visage, il aura peu de freres, lesquels ne doiuent viure, demeurera seul, passé lesdits quarante ans changera de meilleure fortune, aura office, sera sa compagnie aimée de tous, aura vne seule femme, & beaucoup d'enfans, aura allegreté aux champs, en vignes, *Et possessioni finis eius erit vanus*, il aura le visage plat, & le semblât farouche, sera beau de corps, belles dents, la langue grande, les oreilles moyennes, les reins delicats, souffrira quelque effort à la iambe ou pied, il ne sera ny blanc ny noir, sera mal fortuné en ses affaires, *ars magica eius salutem operabitur*, & à quarante ans pâtira d'vne grande maladie perilleu-

leuse de mort, & s'il la passe croi-
stra de grâdeur en grandeur, fera
cogneu des Princes & Seigneurs,
autre maladie souffrira és qua-
rante-huict, perdra de ses biens
communs, & sera subject à mou-
rir de fer, ou de grande maladie,
il aura la teste grosse, *rusticus in*
Sermone, sera suspecteux & dou-
teux en ses affaires, en sa fantasie,
aura la langue belle, le nez rond,
homme seur, plus aura autre ma-
ladie és cinquante-huict ans, mais
le tout est au vouloir de Dieu, qui
range & gouuerne les choses
créées, comme vray createur &
vray patron des autres choses,
que les planettes bien peuuēt in-
cliner, mais ne peuuēt forcer no-
stre liberal-arbitre, comme le no⁹

enseigne la S. R. M. Eglise, & le tout subiect à la volonté de l'Omnipotent, bien que les planettes ne peuuent que incliner.

A O V S T.

L'Homme qui naist au mois d'Aoust, sera du Ciel incliné à tout ce qui s'ensuit. Sera de visage long, la teste & autre partie grasse, avec vn signe és reins, ou à la paume de la main, ou en la poitrine, iambe, ou pied, & aura vne playe au ventre, & selon sa couleur sera mixtionné de blanc & roux, les sourcils noirs, & beaucoup de cheueux. Et selon la disposition sera de corps beau & bien formé, aura la poitrine

large, & se fera beau & artificieux par art, amy de s'affetter & ajolietter, sera ambitieux. Et selon la coustume sera incliné d'estre ocieux, quantité de paroles, sera courageux, honteux, mais sujet à changer de volonté & de propos, sera grandement desireux de sçavoir science & bons enseignemens. Plus sera de petite complexion, & maladif, & peu de salut : avec tous sera courtois, & en toutes ces choses : mais sera auare, il prendra ce neantmoins plaisir en toutes ses œuvres qu'il fera, en bien sera courageux : aymera Dieu en grande veneration, bien que malicieux & astute, il sera enclin à la deuotion, il n'aura trop de salut,

mais avec ce sera de bonne nature, sera enclin à estre homme d'Eglise, quelques fois sera oublieux, & doit receuoir prejudice d'un de ses parens, & trahison de ses ennemis, souffrira grande tribulation auparauant sa mort, & tombera d'en haut, sans toutes fois se faire beaucoup de mal, sera affable & humain, souffrira mal d'estomach, & sera enclin à faire voyage, avec empeschement d'eau & danger, trafiquera hors de sa patrie, sera plustost riche que pauvre, il sçaura cognoistre & garder sa bonne venturie de gagner. Sera incliné de souffrir pauureté auparauant que mourir, avec molestation des parents, sera desireux de science & lettres,

& autres vertus, cecy sera depuis
sa naissance iusques aux 30. ans, &
passé ceste influence, le Ciel le
menace encores d'estre en dan-
ger de prisons, mais il s'en liurera
toutesfois avec fascherie, il se
laissera changer volontiers de
propos, sera misericordieux, &
desirera de donner bons docu-
ments aux autres, sera enuié & en
receura danger de tous, & passez
les 30. ans sera courageux, & aura
office, gouuenera à d'autres, fai-
sant son office honnestement, les
rendant à bonne fin, honneur &
gain, & selon les maladies qu'il
doit passer sont celles-cy. La pre-
miere maladie és vnze ans, puis
vne autre grande maladie és
quarante ans, & en peril d'y-

ne blesseure en la teste , & aura
vne maladie perilleuse de mort
sur les 58. ans , & encores audit
temps aura vne belle femme fille
honorable, & l'aymera beaucoup
auccialousie, mais elle ne l'ayme-
ra tant pour quelque defection
sienne , le premier enfant luy
mourra soudain, & peu luy reste-
ront, luy naistra vn masle, puis fe-
melle, & souffrira grand peril : il
pourra auoir playe de feu en la
cuisse ou ailleurs, sera luxurieux,
modeste au viure, humble & af-
fable, és vingt-trois ans aura vne
fièvre maligne & pestifere, & puis
vne autre és quarante-huiet ans,
& mourra à la patrie, aura pou-
voir sur ses ennemis, pâtira mal
de feu en vn pied, sera homme
qui

qui aimera l'Justice, sera de bonne conscience, viura simplement, sera homme de bien, il ne sera usurpateur, il aura vn frere ou cousin qui luy seront contraires, encores aura vne maladie és 15. ans, puis és 22. & 36. & l'vltiesme maladie és septante, il n'aura bonne fortune sinon és 35. ans, & sera assailly en honneur, il fera bien ses affaires, principalement en labour de terre, & en possessions de champs, & en vins sera fortuné: mais le tout est au vouloir de Dieu, car cecy sont inclinations, & ne forcent nostre liberal arbitre, non pour croire, mais pour se garder des influences celestes.

S E P T E M B R E.

L'Homme qui naist au mois de
Septembre, sera incliné du Ciel
à tout ce qui s'ensuit. Selon la phi-
sionomie sera de beau visage, au-
ra vne belle barbe longue, aura
beau nez, & selon la disposition
de sa teste aura beaux cheveux, &
les yeux estroits, & par consequēt
tout le corps beau & blāc, aura si-
gnal au front ou en sa levre supe-
rieure ou en la teste, sera de belle
stature & aspect, aura quelque
signe naturel ou bien faict par
fer, sera prompt, erit pulcher fa-
cie, seu venustus, laboriosus, &
disciplinabilis, & selō la coustume
sera incliné à parler roide, grand
parleur, la voix forte & alterée,

qu'il semblera estre en colere,
bien qu'il ne soit ainsi, l'inclina-
tion le rend homme accort &
sage, & de grande reputation,
pouuant estre entre les hommes
vertueux, sera amateur de l'hon-
neur sien, sur tout autre chose
des choses iustes, licites & hon-
nestes, sera royal en ses faicts,
& fidelle en ses affaires, aymera
la verité & les bonnes œuvres, se-
ra honoré quasi de tous pour sa
bonté, il aura mal par enuie qui
luy nuira assez, en receura beau-
coup de fascherie & trauaux,
aura diuerses occasions de que-
relles, fera voyage és pays es-
trangers & loingtains, & en
lieux fascheux & perilleux, le
tout pour estre bon, sera mal

voulu, ou bié aura quelque mal-
vueillance de ses parens, il fera
mal recompensé de ses seruices,
sa premiere femme ne luy plaira
trop, il y aura qui ne la croiront
ainsi, mais pour femme se doit
faire tout ce qui est de droit, bien
qu'il en aura dommage, perils
& tribulations & interest. Plus
sera incliné à donner bon con-
seil à autrui, & fera de grand se-
cours en ses paroles, sera subiect
à quelques maladies en la 6. an-
née, & sera aimable aux autres, &
pourra voir la mort de ses parens
& amis, il doit estre riche par
moyen d'une autre femme,
& en recevoir grande commo-
dité, & en la 18. année aura une
grande maladie, & és 15. ans, en

peril ; souffrira des genitif , sera
subiect à douleur de ventre plu-
sieurs fois , & en peril de mal de
Naples , douleur de reins , reten-
tion d'vrine , douleur de corps ,
flux , abondance de sperme , & au-
ra plus d'enfans masculins que fe-
melles , pâtira douleurs interieu-
res , & mal de vers , puis és trente
ans aura tous ses trauaux & for-
tunes , & puis és 38. il pourra
prendre la premiere femme en
la 18. année sera belle & ieune
fille , qui sera à son gré , honnora-
ble & riche , faisant d'elle grand
cas , elle sera mesnagere , aura des
enfans moyennement , lesquels
ne viuront tous : il est encore en-
clin du ciel d'auoir vne autre fé-
me és quarante ans , laquelle sera

femme ieune, & luy consumera toutes choses, & luy vendra iusqu'aux habits du corps, parquoy sera mal content, viura en tribulation & mescontentement, meilleur sera pour luy de ne l'espouser, viura plus content, & ainsi éuiteroit tel inconuenient. Et quant à l'accident qu'il sera incliné, il porte peril de brulure de feu ou autrement, & aura beaucoup de tribulations d'autres pour respect d'autres, & aura peur des siens, ainsi luy conuiendra s'esloigner de tous, ou bién ne communiquer avec nuls. Plus est en danger d'estre mordu des animaux quadruples, tant des sauuages que les domestics, & aura plusieurs sortes de ma-

ladies, mais de toutes guerira, partira vn extrefme perilleux & mal de mort en l'année de 67. & s'il la passe sans mourir, aura l'vltiefme maladie qui est le temps qu'il doit viure aux 87. le tout au vouloir de Dieu, d'autant que sont inclinations qui ne peuuēt forcer nostre liberal arbitre, ne se doit croire, mais pour se bien gouverner des influences mauuaises que le Ciel menace.

OCTOBRE.

L'Homme qui naist au mois d'Octobre, sera incliné à ce qui s'ensuit. Selon la phisionomie il aura belle face & beau nez, la partie externe belle, la teste difforme, avec vn signe *in scapulo*

lis, ou bien au pied fenestre ou au bras, la poictrine large, le corps gracieux, vn signe en la teste, ou bien en l'oreille, *vel iusta os laesum*, quant à la couleur aura la face rosée, les cheueux plainstirant à rouges. Et selon la disposition de l'entendement il sera bien colere, tout le corps bien proportionné & blanc, le nez informe ou maculé, les sourcils presque conioint. Quant à l'intellect sera fragile, promettra vne chose & fera autre, tellement que nul ne le pourra cognoistre en ces concepts & propos, ainsi nul ne s'osera fier en luy, & moins sera secret en ses propos, sera humilié & aymable, aura bōnes paroles & trom-

peuses, parlant avec dissimulation fausse, se delectera de faire fraudulence, & trompera son prochain, & plus sera subiect d'vsurper & desrober le bien d'autrui, & si ce n'est par effect, pour le moins avec la volonté, il aura beaucoup d'ennemis, pource qu'en sa ieunesse sera meschant & remply de malice outre les autres, & ainsi luy fera faict le semblable, comme il fera aux autres, il sera blasmé avec raison, & tenu pour hōme mauvais, & *multas iniquitates fecit multaq; mala*, & pour telle occasion sera pauvre, miserable & infelice, & s'il a des biens paternels les perdra & consumera, ou bien en restera priué, & endurera

beaucoup de peine, sera incliné à faire beaucoup de voyages, cherchât lieux estrangers, & païs esloignez, comme homme perdu, sera incliné braue, disposé, mais mauuais, cruel, & sans misericorde, luy succedera grande venture, mais pour sa malice ne la pourra garder, quant au bien sera quelquesfois aimable entre les siens & de sa famille, prendra sa premiere femme avec difficulté, & verra grande trahison de ses ennemis, sera subtil & ingenieux, & luy tombera des moyens entre les mains, s'il les sçait garder, aura beaucoup d'enfans massés. Quant à la mauuaise fortune, le Ciel le menasse de receuoir beaucoup de coups, & d'estre battu &

bleffé , avec force tribulations ,
souuentefois passera risque de la
vie, & de mort, & sera incliné de
tôber d'vne muraille ou de che-
ual. D'autre part aura vne suette
ou coup de pierre quelque peu
perilleuse , & se doit garder de
n'estre affronté ou coup de fer,
aura querelle & differences, avec
autres plus forts que luy , est en
peril de tomber d'enhaut , ou en
riuiera, se liurera de feu, & la fem-
me qu'il prendra sera belle & blâ-
che, & sera telle en beauté, qu'elle
luy sera prise par force ou autre
voix , bien qu'il se peut garder
de telle influëtion , il sera luxu-
rieux , & pâtira aux genitals, se-
ra homme qui sera à estimer, si
tenant en sa maison honnora

blement, sera estimé en sa patrie
& des siens, & depuis beaucoup
de maux *possidebit multa bona*, en
sa ieunesse avec vne femme bel-
le, blanche & de belle face, il s'ad-
donnera aux lettres, & pourra
deuenir Chancelier d'un Prince
ou d'un peuple, mais en sa ieu-
nesse & vieillesse sera pauvre, &
n'aura des biens *sinō* sur la moi-
tié de son aage, *iste ferro percutie-*
tur, il sera blessé avec fer. Item
esse minuetur, & luy sera rompu
quelques os. Item *aut ferro, aut*
doler morietur. Plus pourra mou-
rir de fer, ou de douleur de ven-
tre, fera diuerses offices, & est
incliné à faire adultere & beau-
coup de mal, cherchant d'em-
porter l'honneur des filles, il pas-

fera plusieurs perils de vie de sa famille luy portant grande inimitié, il sera grandement colérique, & s'oubliera grandement *ac est valde garrum, est multum pusillimis atque tumidus, tamen in effectum*, sa femme sera bien formée, honneste, *pacifice viuet*, & aura plusieurs maladies. Premièrement és 14. ans, vne autre à 43. perilleuse à la mort, puis és 75. aura l'vltiesme maladie, encores aura - il quelque mal de beste à quatre pieds, bien que le tout est au vouloir de Dieu, laquelle est premiere cause, les planettes sôt la seconde, qui ne peut forcer nostre liberal arbitre de nostre volonté, sinon inclinent & ne foreent.

NOVEMBRE.

L'Homme qui naist au mois de
Nouembre, sera incliné à ce
qui s'ensuit. Quât à la fisionomie
sera de visage beau & frais, quant
à la couleur sera blanc, mixtioné
de couleur rousserte quasi roux,
la teste grosse, l'os dur, sera char-
neux & gros, de moyenne sta-
ture, belle face, les cheueux
plain, sera de froide comple-
xion, il aura quelque tasche és
yeux, plus aura quelque signe au
bras, au doigt, ou au genoüil,
belles dents delicates & couuer-
tes, aura signes au corps ou playe
en la sinistre partie de la teste ou
à la main fenestre, ou au doigt,
bras ou māmelle fenestre, voisin
au cœur, sera prompt, le pied le-

ger, fascheux & superbe quelque peu, sera venteur en ces choses, biē que soient choses vrayes, sera diligent & studieux, aimera la vertu grandement, parquoy aimera les vertueux, le respectant & desirant du bien, procurera d'apprendre plusieurs choses, doit voir pais & terres estrangeres, en sa ieunesse doit gagner, doit estre plus riche que pauvre, sera enuié, & pour telle enuie pâtira falcherie, & pour les mauuaises & enuieuses lāgues de traistres, aura grandes contrarietez, sera vn peu contraire à son premier office, quant aux coustumes, sera amy d'apprendre la vertu. Plus est du Ciel incliné d'auoir mal d'vn sien prochain pa-

rent, & en sera molesté, quelque mal doit recevoir des bestes à quatre pieds, & est incliné d'avoir dignités, & estre gouverneur d'autrui, desquels recevra faueur, doit estre plus riche de fême que d'autres, sera bien voulu & aymé, plus pour ses yeux, que pour sa sapiëce, sera effeminé, & aura avec le temps amitié avec femmes mariees, & d'une d'elles aura vn fi's bastard, & pour telle occasion pâtira beaucoup d'affrons, mesme de ses ennemis, & en eschaperá mal, sera hōme splendide, liberal, servant à ses amis, & du sien en vserá amoureuxment, sera courtois & aymable, sans aucune recōpense ou esperance de faueurs, sera hom-

homme graue, regardera à ses affaires, & en sera loué, bien voulu & bien aymé des personnes: mais en sa naissance souffrira plusieurs maladies, il en aura vne pres de sa natiuité perilleuse à mort puis és six & sept ans aura maladies grandes, dont il en eschappera, sera de nature hon-teux avec des femmes timides, secrettement vsera de tromperie à sa femme, qui sera honorable, verra quelques-vns de ses parents morts, sera aymé de ses ennemis, sçaura supporter l'injure, & soudain sera en paix, travaillera librement, & sera ennemy de l'oyfiueté, il viendra tous-jours en action, & sera mal recompensé de ceux qu'il aura



fidèlement seruy, sera payé d'in-
gratitude & d'injures, il sera ma-
lade en la quatriefme année, au-
tre maladie és 22. ans, puis en la
40. année aura des commoditez,
& bien. Passé ce temps, sera incli-
né d'auoir des enfans, desquels
sera molesté d'ennuis, sera sub-
ject au mal des yeux, il esmouura
des paroles & questions sans cau-
se, sera homme parleur, luxu-
rieux, fantastique, turbulent,
prompt en action & colere, par-
ticipant de quelque malignité,
pâtira douleur de reins & mal en
la hanche: Plus aura vne cicatrice
faite de fer, au corps ou en la teste
du costé droit, pâtira douleur
d'un pied: & quant à la disposi-
tion de la memoire & du corps,

sera delicat, blanc, & pátira de la
rongne, sera bon & mauuais, na-
turellement honneste, iuste en
ses affaires, aymera la nouueauté
& les faueurs, sera quelquesfois
gaillard & ioyeux, vn temps aura
bien autre mal, il est incliné d'a-
uoir en mariage vne fille, puis
apres vne vefue, & autre fille,
sera subiect à mordure de chien
en quelque membre, il sera en
danger pour respect de femme
de tomber és mains de quelque
grand personnage, sera mordu
au bras, ou en autre membre, se-
ra effeminé, ou luxurieux, enco-
res doit pátir quelque grand in-
conuenient en la 20. année, pátira
douleur de testé & de corps,
autre maladie doit auoir sur la

47. année; quant à la bonne fortune, il est incliné d'auoir abondance d'enfants, & aura grand honneur, & verra la quatriesme generation, & aura vne creance par mort, il verra croistre ses biens: Et selon la maladie aura grandes tribulations, & souffrira vn peril d'eau en vne grande riuere, mais il s'en liurera, & tombera entre les mains de tous ses ennemis, il aura vne femme pour son ennemie, & sera mordu au doigt du milieu de la main droicte, mourra hors sa patrie, se verra souuentefois en desesperation, & luy fera faire quelque stratageme ou quelque peur, mais le tout est au vouloir de Dieu, Seigneur de toutes: les pla-

nettes ne peuuent autre qu'incliner, & non forcer nostre liberal arbitre de nostre humaine volonté.

DECEMBRE.

L'Homme qui naist au mois de Decembre, sera incliné à tout ce qui s'ensuit. Selon la physionomie sera *cum facie cruceum*, mais sera belle, les cheueux & sourcils pres l'un de l'autre, les yeux mutillans, sera chauue, beau, il aura vn signe en la teste du costé gauche, ou bien au bras droict, ou aux testicules, *vel verendis*, il aura vn signe sans douleur en la hanche ou *tallō corpus concedens*, le corps beau & bien formé, il ne sera ny

blanc, ny noir, tirant sur le brun :
quant à la complexion elle sera
honneste , quelquesfois coleri-
que & vain, superbe, & incliné
à estre luxurieux, fornicateur &
homme de faire beaucoup de
choses , & subject au gain par
moyen d'autrui, sera calomnié
d'auoir commis quelque delict,
& sera à tort, & non veritable :
il fera à plusieurs seruice , sans
estre recompensé pour l'ingra-
titude, & avec le téps aura diuers
dangers en sa vie, perils, infor-
tunes & aduersitez, & le tout pas-
sera avec prudence, & se sçaura
garder, il n'aura faute de tribula-
tions de plusieurs façons, & l'en-
uie luy nuira assez, & pour fem-
mes doit pâtir grandement. Plus

aura diuerses maladies, & sera mesdisant d'autrui, sera desbauché en femmes, & laissera faire à la sienne tout ce qu'elle voudra, se contentera de tout ce que sa femme luy dira ou fera, & sera maistresse de luy, ainsi elle ne sera empeschée de faire à sa volonté tout ce qu'elle aura enuie, il est subiet (quant aux accidens) à vne cheute d'enhaut, sans routesfois se trop offencer, & pourra estre mordu d'un chié ou autre beste, se mariera sur les 28. ans, pourra receuoir couppure & tailleure en quelque part de peril, s'il ne se donne garde, & sujet à vne brulcure, ou autre mal, & aura discord & oppression des parés, sera malade plusieurs fois, & en l'an-

née 21. pâtira telles infirmittez, sera homme fort colérique, & se delectera de porter les armes, sera fort de complexiō, bien qu'il aura force molesties & empeschemens, avec grande difficulté sortira en grandeurs & prosperitez, en bombance, sera incliné de tomber en grandes tribulations, *nam ferro ignito torquetur*, non seulement en la Cité, mais hors d'elle, & ainsi perdra beaucoup de possessions, & autres biēs stables, restāt denué d'iceux, aura vn signe au testicule du costé droit ou gauche, & sera colérique, qu'il pourra faire vn homicide de sa main propre, sera subtil non au mal, aymera la verité, & gardera l'injure en la memoire, aura biēs
avec

avec vtilité en sa ieunesse, & naturaliter ornamentum corporis diliget, il se plaira de se regarder en sa beauté, en ses vestemens, barbe & cheueux, sera incliné à dormir apres à la table, selon la constellation souffrira force douleurs de ventre, mourra és 39. ans, & s'il les passe viura longuement, mais la pluspart mourront au susdict temps. Plus sera suspectueux de pàtir en l'ame grandes passions, & dégoust, & le plus souuent pàtissant douleurs de cœur, desirant plustost la mort que la vie, pàtirra humeurs melancoliques, tombant quelquesfois en desesperation, sera tousiours en crainte d'estre trompé, ou que les hommes le deçoiuent, & sera tellemēt

auaricieux que quelques vns en mourront, pensant que tous luy mangent ses viures, & souffrira douleur de teste, mais maladies de mort seulement d'eux pourra encourir, encores souffrira vne douleur en vne hanche ou bien au genoüil, ou autre accident, comme vn coup de meurtrisseure, playe, percussion, ou autre, mais tout ce luy durera peu, en mois de Decembre quasi tous sont avec quelque deffection de corps, comme difformité, bossus, contrefaits, coxche, boiteux, estropiez, ou autres choses semblables, sont rares, sçauoir ceux qui font bonne mort. Plus sont inclinez à iouyr peu du matrimoine, combien

que par voye de quelque mort, aura vne succession, ou autre bien stable, mais doit penser d'y estre prospere : S'il passe toutes ces années aura quelques moyens bien qu'en telles esperances y aye peu de seureté, pource il sera mal fortuné en sa vieillesse & au commencement. Plus sera mal fortuné au ieu, & en matrimoine, aura differents avec ieunes gens & femmes, il sera fortuné à traffiquer en bestial, & avec vieils, luy profitera l'amitié des rustics. Plus sera bon à contracter avec Prestres, & hommes de Cour, gouvernera bien sa famille, sera bon agriculteur, sera fortuné à trouuer thresors soubsterre. Passé les 30. ans ne luy plai-

ra les plaisirs, sera assez solitaire plus qu'autrement, il ne sçaura si tost ce qu'il voudroit sçauoir, sera secret en ses attentions, & tellement sera obstiné, que plustost voudra mourir que obeyr au vouloir d'autrui, par sa rebellion & rudesse, & pour ceste obstination luy interuiendra beaucoup de mal & peril.





M I R O I R
D'ASTROLOGIE
NATVREL.

*Discourant de la complexion, co-
stume & maladie de la femme, qui
naist és douze mois de l'année, de
son inclination, du bien & du mal,
de sa vie, afin qu'elle se puisse gar-
der, pource qui est de son inclination.*

I A N V I E R.



A femme qui naist au
mois de Ianuier, sera
honnestement belle,
& gracieuse, ayant les
cheueux longs, separez, plustost
noirs qu'autrement, elle ne sera

trop blanche , mais gracieuse , elle semblera gracieuse en presence , mais en absence sera melancolique , & les choses qui luy viendront en desir & volonté , luy succederont bien , & sortiront à effect & bonne fin , pour ce qu'elle sera femme de grand engin , & bonne memoire , sçauante , de bien , & aymable , sera liberale , & ce qu'elle aura ne le pourra garder , pour estre genereuse en toutes choses qu'elle fera , & donnera bon conseil , elle sera solliciteuse en ses affaires avec prosperité , & sera contente d'un seul mary , & aura enfans si elle se marie , qui donneront bon conseil aux autres , elle aura fils doctes , mais auront quelque

volonté peruerse, & aura beaucoup de maladies graues sur les 30. & 34. ans, puis sur les 37. ans, eschappera les deux dernieres maladies sans mourir, elle sera inclinée d'auoir prudence, bon conseil, & pour sa grande prudence elle plaira à tous, & aura bonne constellation, & grand contentement, elle sera de volonté ferueuse, principalement à choses qui appartiennent à l'engin & gouuernement, plus sera plaisante & honteuse, & desireuse d'aller par le monde, & de tout ce qu'elle verra de chose licite & honneste qui luy appartiendront, elle sera desireuse de faire voyages par lieux incognus, & de forceira selon la constellation, souff-

frira quelque incommodité, ou mal d'un animal, plus pâtira un peu de mal des yeux, elle sera accusée à tort d'avoir commis infamie, laquelle chose ne sera vraie. Et selon la bonne fortune sera délicieuse, & aura signal en la main droicte, elle sera véritable, fidelle, constante, ingénieuse & de bonne complexion, inclinée à tout bien, & particulièrement à la vertu, elle sera femme de miséricorde & de pitié, elle n'aura beaucoup d'enfans, mais sera riche d'autres biens, & aura faculté grande, dans les 15. ans, changera meilleure venture, & sera cruelle à ses ennemis, elle pourra laisser pour quelque temps son mary, & sera inclinée d'a-

voir l'vltiefme fin de maladie à quatre-vings ans. Le tout au vouloir de Dieu.

F E V R I E R.

LA femme qui naist au mois de Feurier , fera inclinée à estre belle , gracieuse & gentille, de belle representation, avec vne presence aymable, l'œil gaillard , pleine de chair , blanche & maladiue , les cheueux beaux , & nette en toutes choses, elle sera de bonne complexion , & aura vn signal naturel en la teste ou au visage. Et selon la disposition de la memoire, sera femme qui sçaura se gouverner, & aura esgard à sa vie, sera prompte , fort honneste , & amie de

son corps, desiruse d'honnesteté, elle aymera les beaux vestemens & riches habits, les odeurs, & sera amie du dormir, elle fera beaucoup de choses qu'elle ne pensera, & sera à son dommage, sera misericordieuse, & aura sinistres auentures, sera bonne femme & honneste, & aimera sa famille, elle sera fidelle, amiable, liberale, ioyeuse d'esprit. Et selon la bonne fortune, sera fort honorable & feconde, elle sera inclinée d'auoir beaucoup d'enfans, & pource aura quelque incommodité de son premier enfant, pource que sera vne fille, mais si c'estoit vn fils seroit tout à l'opposite. Et selon la mauuaise fortune la femme sera inclinée

à quelque tramature, ou bien souffrira és yeux desplaisir, sera offencée en son premier fils, elle sera en procès en l'aage de vingt-cinq ans, ne luy sera octroyé ce qu'elle desirera, elle pourra litiger avec ces parents, ou avec son pere, luy sera fait grande meschanceté & trahison, elle sera beaucoup trompée en diuerses choses, & à tort sera blasmée, plus le Ciel la menace de perdre le premier & second mary. Sera morduë d'animaux, & doit pâtir beaucoup de maladies, se doit garder du feu, pource qu'elle sera en peril de se brusler elle ou sa robbe, sur la 12. année aura vne grande maladie, & si elle eschappe elle en aura vne autre sur les

vingt. ans, puis deuiendra encore
malade sur les 21. an, puis aura
meilleure commodité & bien, la
sorte de maladie sera qu'elle souff-
rira principalement douleur de
ventre, d'estomach, & sera tour-
mentée de frenesie, & pourra du-
rer huiët mois durant, & si elle
eschappe de telle maladie, en aura
vne autre à 30. ans, & si elle passe
telle maladie perilleuse de mort,
elle en aura vne autre plus gran-
de que toutes les autres sur les
38. ans, plus pâtira vn mal à
vne iambe ou pied, & si elle passe
tel terme viuraiusqu'à 72. Le tout
au vouloir de Dieu.

M A R S.

LA femme qui naist au mois de Mars sera inclinée d'estre de complexion rousse, les cheueux blonds & longs, & la plus part aura quelque signal, ressemblant à ceux de verolle, le visage gaillard, bien formée, belle, & hardie en parler avec abondance de paroles, se gauffera avec tous, sera bien voulüe, & désirée des grands, sera auentureuse, de forme longue, belle de visage, de façon gracieuse, femme de grand esprit & de trauail, elle ne pourra estre oyssie, mais tousiours voudra faire quelque chose, vn peu furieuse, peu patiente, co-

lerique, douteuse, avec ialou-
sie, ambitieuse, ornée de veste-
mens superbes, de grande re-
putation, desireuse de choses
nouuelles, & d'entendre la vie
d'autrui, sera tousiours ioyeu-
se, honneste, honorée, sera de
bon conseil, & honteuse en cho-
se de l'honneur, tirera librement,
& tiendra la compagnie ioyeuse,
& de bon conseil, aux autres
facile reprehension, murmu-
rant des autres, sera scrupuleu-
se nulle, chose qu'elle voye
luy semblera estre bien, excepté
ce qu'elle fera de sa main. Et se-
lon la mauuaise fortune, la fem-
me aura peu de salut de 7. ans,
iusques aux 12. & de 14. iusques
à 17. ans, & en ce temps il ne

conuient qu'elle se marie, souffrira passion lunatique auparavant les 34. ans, aura & iouyra des biés paternels, elle fera voyages & pelerinages en lieux incongneus, où elle trouuera mary estrange, parce qu'elle aura les 34. ans, mangera de meilleure sorte, & aura plus grand plaisir, & aura beaucoup de contentement de ses enfans, excepté que le premier fils ne viura trop, elle sera en peril des animaux à quatre pieds. Plus elle sera en peril de 7. ans iusques à 12. d'une maladie perilleuse dessus la teste ou genoüil, elle sera amie de sa volonté, & receura en sa ieunesse vne grande escorcheure en son corps, & souffrira grande per-

turbation d'eau , & doit auoir avec le temps huict fils au temps de 21. an, 26. & en ceux de 39. ou bien 38. & encore doit souffrir vne maladie à 11. ans , & puis avec le temps perdra par forcement son premier mary , duquel receura grand douleur & ennuy , & tousiours aura memoire du premier , elle sera tenuë beaucoup de ialousie pour estre recherchee de son honneur , & ses parens la pourchasseront avec peril d'estre blessée , ou recevoir coups dessus la teste , ne s'en pouuant eschapper , mais elle s'en pourra garder , & les Lundis seront ses iours contraires , & sera mal fortunee en toutes ses actions , elle sera beaucoup si elle
passe

passé toutes ces infirmités , elle
viura iusques à 70. ans, le tout au
vouloir de Dieu.

A V R I L.

LA femme qui naist au mois
d' Auriil, sera inclinee , sera
fort grosse de vie, de grande sta-
ture, la teste grande mediocre-
ment, avec quelque tache en la
face , ou bien au col, avec belle
veuë, l'œil luxurieux & charnel,
blanche & morbide , les cuisses
grosses, le corps pesant , belles
mamelles, le poil frisé , la poi-
trine blanche , la iambe grosse,
avec le poil blondelet , le col
gros, le regard amiable, le pied
leger & prompt, la bouche non
trop grande, prompte en ses af-

faïres, de nature venerée, du tout belle, avec toute faction belle, que peut auoir vne femme. Et selon la coustume & complexion, sera de grande & forte vie, hardie, fort studieuse & diligente en toutes choses, elle sera studieuse, si bien qu'ou elle donnera commencement, se reduira à fin breue, elle verra des lieux estranges, & sur les vingt-deux ans souffrira violence de quelque animal, elle sera inclinée à se marier en la quatorziesme année, & aura quelque maladie particulièrement en la seiziesme année, elle sera sçauante de l'entendement, comme de grande Architecte & ingeniosité & prudente, elle doutera tousiours

en ces affaires, parquoy sera femme suspectueuse & viciueuse, elle sera curieuse de sçauoir plus des faicts d'autrui que des siens, & aura plusieurs maris, & porte peril, selon l'inclination, de perdre son honneur, non seulement pechera, mais aussi sera diuulguee, si ce n'est en tout, pour le moins en partie, aura quelque vice de desrober, dont elle pâtira plusieurs fois, elle souffrira mal aux yeux & aux pieds, ces maladies seront fievres ardentes, mais guerira & changera de pays. En somme elle sera de peu de fermeté, & de ces vices elle sera reprinse, se gardant quelque peu de tels vices, son premier enfant sera femelle, elle se

peut garder de feu qu'elle n'en
pâtisse quelque molestie, & n'est
necessaire qu'elle monte en lieu
haut de peur de quelque peril de
choir, ne luy declarer quelques
secrets, pource qu'elle les mani-
festera, elle ne sera secrette en ces
attentions, parlera librement,
& aura vne grande maladie au
trente troisieme an, si elle gue-
rist sera grand cas, changera
meilleure fortune, sera splendi-
de, promptement & gracieuse,
les levres vn peu grosses, & le col
velu, l'œil grand, sera courageu-
se, souffrira apostume, ou autre
mal en la bouche, & sera mor-
duë d'un chien, & perilleuse d'un
coup de pierre ou de fer, & se
delectera des choses belles, &

aura belle & blanche denſure, & elle ſera de bonne couleur, belles dents, & les narrines belles & groſſettes, la paupiere grande, de couleur rouſſe, quelque peu pâтира de veuë, en danger de venir aueugle d'un œil, aura ennuy de ſes ennemis, & ſouffrira vne grande maladie en le 40. an, & aura differentes calamitez, avec peril d'un coup au viſage, & ſi elle paſſe le terme viura iuſqu'à 70. ans. Le tout au vouloir de Dieu.

M A Y.

LA femme qui naiſt au mois de May, ſera inclinée d'eſtre belle en toutes façons, gracieuſe plus que les autres, ſça-

uante , honnesté , & honorée
sur toutes les autres choses , de
stature gentille, de peu de vie, de
debile complexion , s'esmeruil-
lant les gens de sa beauté , les per-
sonnes pâtiront pour elles gran-
de passion , sera beaucoup desi-
rée, & ne la pourront auoir , se-
ra desireuse d'apprendre , & ay-
mera la musique , & d'estre cha-
ste ou Nonne , elle ne prendra
mary, si elle n'est forcee des siens,
& refusera toute concupiscence.
Et selon sa vie sera pleine de
chair, bien qu'elle sera menuë &
non grosse , elle sera de bonne
coustume, prudente , & aura as-
sez de biens, & aura maladie as-
sez icune, comme elle sera en la
quatriesme année & en la sep-

tiesme, puis elle sera occasion-
née à mort à tort & fausement,
& non plus, murmurera d'au-
truy, & fera peu d'enfans, sans
venir à bonne fin. En la quin-
ziesme année pâtira vne mala-
die, puis souffrira frenesie luna-
rique, passion à dix-huict ans, &
plus doit pâtir beaucoup de dou-
leurs & traux, mais par la ver-
tu des bons Medecins se deliure-
ra du tout de beaucoup de tri-
bulations, & finalement acquer-
ra des biens, pour le mary, el-
le aura beaucoup d'allegresse &
contentement, & combien qu'au-
parauant elle aye pâty beaucoup
de tribulations, ce neantmoins
pourra souffrir vne escorcheure
d'eau chaude, plus pourra pâtir

d'une cheute d'en haut, ne se faisant toutesfois grand mal, sera morduë d'un chien, sera naturellement mal saine, elle aura quelque vlçere en l'œil, au corps, ou aura quelque autre mal, elle aura bonne voix, & sera de nature timide, pordra quelques dents, souffrira douleur de reins, & aura quelque faute d'esprit, ou luy sera faict quelque mal. Plus souffrira maladie en les 7. ans, & en les 12. ou bien 14. ans, mourra en son liët, & selon sa mauvaise fortune, sera inclinée d'avoir deux maris, & pâтира encores d'un bras, d'une cheute deschelle ou autre part, plus pourra souffrir d'une main ou d'un genoüil, & sera colérique & prompt,

pre d'esprit, subitement reuient
en ire & tost luy passe. Plus au-
ra vne maladie sur les 15. ans,
puis és 44. & sera heureuse, mais
il luy sera porté vne grande en-
uie, & luy sera nuist en quelque
chose, & pâtira vne persecution
de pierre qui luy fera grand mal,
elle peut viure 22. ans, & si passe,
viura 72. ans. Le tout au vouloir
de Dieu.

I V I N.

LA femme qui naist au
mois de Iuin, sera inclinée
selon la complexion, sera de
bonne complexion & de dispo-
sition robuste, forte & fort
gaillarde, courageuse & effor-
cée plus quelle ne deuroit pour

estre femme, & assez belle & bien formee, sera blanche & nette, quelquesfois elle aura sa couleur naturelle, autres fois de couleur maladiue, pâtira des membres, & pâtira des yeux, parlera grosse voix, & aura vne vlcere au front ou à la poictrine, aymera à boire, sera beaucoup hardie, & subitement se tournera en repos sera fascheuse dans le logis se donnant assez de fascherie, & subiecte à dire quelque folie semblable à verité, elle fera effects de tromperie, & perilleuse de tomber d'en haut, & en l'eau, & d'estre morduë d'un chien, aura cruelle venture de ces parens, & avec peril les soustenir. Et selon la disposition de la memoire, au-

ra bonne modestie , beneuole & bonne pratique , sera de bon engin , elle sera allegre , elle ne croira la chose facilement , elle dira assez de paroles irraisonnables , reprendra paroles honteuses , sera luxurieuse en diuerses façons , & souffrira la goutte , & mourra d'icelle ou de grande quantité de flegme , plus la femme sera inclinée à trouuer biens perdus , ou bien vn heritage sans y penser luy succedera. Et selon la mauuaise fortune , avec son mary elle n'aura iamais beaucoup de paix , nuls parens ne luy resteront , elle n'aura des freres sinon vn , sera femme qui tiendra la compaignie allegre & ioyeuse , disant choses ioyeuses & agrea-

bles, aura dissension, & diuision
avec les siens, elle mangera bien
& boira mieux, & fera plus gou-
luë, cruelle contre ses ennemis,
femme facile à la legereté. Et se-
lon la bonne fortune sera de bõ-
ne conscience, & fera bien vo-
lontiers aux personnes, au-
ra beaucoup de maris & enfans
mal sains, de petite complexion,
auparauant qu'elle meure, &
aura encore vne maladie à 30.
ans, & vne autre à 48. & si elle
passe telle maladie, premiere-
ment elle aura beaucoup d'en-
fans plustost filles que fils, des-
quels la pluspart mourrôt. Souf-
frira des genoüils & des reins, &
indisposition d'estomach, quel-
quesfois sera fantastique & hors

de foy , & p'aura grand douleur de tefte & paffion de cœur & des reins. Sur la fin de fa vie fera honneftement riche , & poffedera le bien d'un fien parent , elle fouffrira és premiers 7. ans , & viura 66. ans : Le tout au vouloir de Dieu.

IVILLET.

LA femme qui naift au mois de Iuillet , fera inclinée d'auoir grande poictrine, & fera de regard terrible & audacieux , elle aura le corps court, gros & large , pelu , & aura vn fignal en la levre ou en la iambe , & le vifage quelque peu timide , & aura vn fignal au cofté droict du front , ou en la poi-

étrine ou au ventre , le corps blanchastre, les cheveux blancs ou iaunastre ou bien blonds , le visage beau & velu , la langue grande, les dents grandes & fortes, les oreilles creuses ou grandes , les reins delicats , sera hardie & de belle complexion, honteuse au parler , misericordieuse, mais colérique , quelquesfois dira folie , sera iraconde , mais cela luy durera peu , & luy sera faict quelque embusche par finesse ou par enchantement: mais elle en sera deliuree, & sera honorée & desirée avec son honneur, sera riche & amiable , douce , non superbe , elle sera d'humeur d'aller par le monde &

par lieux estrangers , elle aura maladie de sang , & de feu , & aymera à faire mal , sera ambitieuse , & pensera en soy estre vne Royne , ou quelque grande Dame , pour l'ambition qui regnera en elle , elle s'estimera tant , qu'elle croira personne pouuoir estre comparée à elle , sera tousiours allaigre , voudra tousiours rire & gauffer , elle souffrira trois maladies perilleuses , la premiere au 4. an , la derniere au 48. Et sera inclinée à mourir par fer ou de maladie corporelle , Et selon la bonne fortune croistra de bien en mieux , sera bien aimée de ses gens , & perdra des biens communs . Elle aura gens de pouuoir qui luy seront contrai-

res , mais s'en deliurera , sera
nourrie de deux nourrices. Et se-
lon la disposition del'Esprit, se-
ra prudente & sçauante , solici-
teuse en ses affaires , elle se sou-
uiendra de long temps des iniu-
res qu'elle aura receuës , nul ne
cognoistra son intention sinon
elle mesme , elle sera prompte à
l'acte venerien, à cause de sa cha-
leur naturelle, en sa colere feroit
beaucoup de mal si elle pouuoit.
Sera en danger de mourrir en
terre estrange & souffrir grande
douleur de teste & d'eschine, se-
ra femme conuersable avec tous,
elle aura enfans , & sa fin sera
vaine, demeurera sans freres, elle
se doit garder , pource que son
indignation luy pourra faire

donner vn coup ou playe en la
teste, sera desireuse de comman-
der, neantmoins elle n'en fera
moins beneuole & affable à sa fa-
mille, amis & à toute la maison,
laquelle sera augmentée par elle
d'honneur & de bien. Desirera
tout ce qu'elle verra dire tous ses
secrets, & baillera librement
du sien aux autres, sera beaucoup
deuotieuse & souffrira douleurs
és nœuds des pieds & en la han-
che. Plus sera inclinée à tomber
d'en haut & en danger de pâtir
par le fer ou le feu. Plus elle sera
en peril de perdre sa virginité si
elle ne se garde avec diligence,
elle prendra son mary és 25. ans,
duquel elle receura beaucoup
d'honneur, mais il ne luy viura

long-temps: Plus souffrira passion de cœur & fièvre quarte ou tierce, laquelle durera quelque mois, & souffrira douleur de teste. Les Ieudis sont ses iours contraires, elle aura sur la fin vne maladie à 71. an, si elle passe les susdicts perils. Le tout au vouloir de Dieu.

A O V S T.

LA femme qui naist au mois d'Aoust sera inclinée d'aspect petit & gracieux, longue face, la teste creuë, bien qu'elle sera grasse, sera belle femme, le nez rond quelque peu passe, & sera timide, le parler ioyeux, la couleur meslée entre blâche & rousse, le poil tirera vers le roux &

quelques noirs , ayant des che-
veux en abondance, & naistrent
près les sourcils. Et selon la sta-
ture sera assez belle , avec vne
belle poitrine blanche, le crin
mediocre , solide & rond, la vie
bien formée, avec bonne façon,
se plaira grandement d'estre af-
fectionnée & renduë confor-
me à la diligence, se plaira de fai-
re plusieurs lauemens & bains, &
autres artifices, & aymera d'ap-
prendre plusieurs choses, la fem-
me sera vigoureuse & de travail,
aymera Dieu, sera deuote : mais
preste de faillir, & aura forceu-
sément dommage d'une sienne
parente, & pourra se voir trahie
de ses ennemis , ny aura trop
bonne santé, non moins sera de

bonne complexion, & ne seroit merueilles si elle la gastoit avec quelqu'un, elle sera malicieuse, rusée, & souffrira beaucoup de tribulations auant sa mort, tombée d'en haut, sans toutesfois se faire trop de mal, sera affable, humaine & souffreteuse, aura vne petite indisposition, sera ingenieuse, ciuille modeste, chaste d'apparence & d'effect, pour lequel sera aymée de tous en commun, sera iraconde, elle se mariera és 17. ans, & aura son premier Amant, mais durera peu, & n'aura point d'enfans, du second aura le premier né de belle forme, elle aura quelque griefue maladie, & si elle en eschappe vivra longuement, elle sera sus-

pectueuse en ses actions, & aura
vne maladie en l'onzième an-
née, & puis en la vingt-quatries-
me, & aura depuis ce temps deux
maris, desquels sera aymée cor-
dialement, & aura vne playe en
la teste, ou brusleure de feu, ou
bien autre mal pour chose parti-
culiere. Et selon la mauuaise for-
tune aura beaucoup d'enfans,
mais peu luy resteront vifs, le
premier enfant sera fils, & l'au-
tre femelle, elle sera malade à
mort, & receura l'extrême On-
ction & ne mourra, au manger
sera modeste, de peu de viures,
sera desrobée de plusieurs cho-
ses, elle se bruslera encor en peu,
aymera choses bien faites, &
par consequent la Iustice, sera

de bonne conscience ; simple
comme vn Ange , ne se souciant
des delices du monde , sera de
bonne fortune , elle n'aura dis-
sention avec ses freres ou parens ,
elle sera encores malade és 15.
ans, si passe elle viendra à 60. ans,
mais passez les 36. ans changera
de meilleure fortune , elle aura
diuorce avec le mary ou l'aban-
donnera pour quelque temps,
mais le tout est au vouloir de
Dieu.

S E P T E M B R E.

LA femme qui naist au mois
de Septembre, selon la phi-
sionomie sera gaillarde & belle,
haute de stature, & visage beau,
les cheueux longs , beau nez,

l'œil estroit, tout le corps blanc,
de stature belle, de semblant simple,
sera amiable avec les autres,
& beneuole familiere avec tous,
& sera inclinée de voir la mort
de ses parens & amis, elle aura
mary à sa volonté si elle se marie
és 18. ans, sera sage, de bon conseil,
femme habille pour gouverner vn regne : seront ses parolles certaines, elle aymera
d'oüyr les Ecclesiastiques, la iustice,
& les choses bien faictes,
elle aura vn signe sur soy & aura
deux maris, le 1. aura grande commodité & biens, sera sage, de bien,
& vertueuse, & sera belle femme,
bien vouluë des personnes, portera peril d'estre morduë
d'vn chien au visage, ou au

corps, aura peu d'enfans du premier mary, pource qu'ils mourront petits, ou bien n'en aura point de luy, bien qu'il luy laissera beaucoup de moyens, le premier fils pourra viure deux ans, & le second 8. ans, souffrira maladie és 9. ans, puis és 13. 15. & 32. ans, & és 36. changera meilleure fortune, mais le premier se bruslera de feu, & aura beaucoup de tribulatiōs pour autruy, & payera encore du sien, sera morduë d'animaux à quatre pieds, si elle se marie és 40. ans, pourra espouser vn ieune homme, qui luy pourra consommer toutes choses, & principalement en habits, parquoy viura mal-contente, ainsi se doit garder de se marier,

en

en tel âge, pource que non seulement doit perdre le bien, mais sera en danger d'estre de luy blessée ou des parens en la teste, laquelle sera mortelle, ou bien au visage ou ventre, si elle se peut garder de ce, elle sera fort riche, souffrira douleur d'estomach, sera solici-teuse en choses, le Vendredy est son heure, mais tout est au vouloir de Dieu benist, de nous tenir en liberté & garde.

OCTOBRE.

LA femme qui naist au mois d'Octobre selon la phisionomie sera inclinée d'avoir le visage rouffet & coloré, les cheueux plains, roux & blōds,

sera de complexion forte , de stature grande, hardie, de beau corps, le nez rebouché ou quelque peu difforme , les sourcils conioincts ensemble, les genoux gras & beaux , & aura quelque signe à la iambe, quant à la disposition d'esprit , sera affable, discrette, aymée d'aucuns de ses parens & amis, vn parent aydera beaucoup à la deliurer de beaucoup de trauaux, elle aymera presque toutes sortes de viandes & principalement les choses rosties, aymera la crouste de pain , elle aimera beaucoup la chair & les bons viures , & les choses quelques peu ameres, sera librement seruie, vn peu timide , mais amiable, & braue de sa

famille , diligente sans sentir trop de fatigue ny trauail és choses , se trouuera avec facilité , sera colerique , bien que les choses luy succedent bien , sera de bonne coustume , decolorée , de subtil entendemét , estimée des personnes , tant des siens que des incognus , en sa ieunesse souffrira beaucoup de mal , tombera en riuiera ou de haut , & se fera tant de mal qu'il sera necessaire reioindre les os separez pour la guerir , se doit garder des choses venimeuses , souffrira grand douleur de ventre , finalement aura vne grande brusleure de feu , & perdra son premier mary , & acquerra force biens , mais sera en danger d'auoir force coups

& meurtrisseures, forces playes,
de peril de mort, se pourra gar-
der, elle aura enfans de trois maris
se resiouyra avec eux, vaincra ses
ennemis, aux 30. ans aura grand
trauail, donc elle aura grands
biens & gens sous foy. Et selon la
mauuaise fortune en sa ieunesse
sera nourrice & infortunée en
peril de perdre la veuë, aura grâde
contrarieté & peril des freres ou
des parens: le Samedy est son con-
traire, elle aura la derniere mala-
die és 67. ans, mais le tout est au
vouloir de Dieu qui gouuerne le
tout avec la liberté de nostre vo-
lonté.

NOVEMBRE.

LA femme qui naist au mois de Nouembre, selon la phisionomie, sera gaillarde, allaigre, bien formée, blanche, quasi rousse, ayant les os durs, les cheueux grands modérément & de belle stature, sera belle, bien composée, aura les sourcils beaux, & les yeux avec bonne veüe, & les genoux tortus, mais elle sera aymable & gracieuse, aura vn signe en la cuiſſe, sera grasse & charnuë, ny grande ny petite, avec belle face, sera plustost de complexion froide que chaude, & voudra estre bien vestuë, & necessairement aura quelque macule en vn oeil, sera

femme qui aimera la nouveauté, la fragilité, & sera folastre. Et selon la complexion sera paoureuse & honteuse, mais pourra vser de quelque folie à son mary, elle verra quelqu'un de ses parents mort, & de ses ennemis, sera patiente au travail, fera service librement à autrui, & sera mal recompensée, aura enfans semarians, desquels les parents receuront iniures. En ces nopces se leuera quelque risée, paroles, questions, ou tribulations, plus elle pâtira vne maladie sur la 4. année, & aux 22. ans, & semblablement és 40. luy suruiendra grand discord, & vn temps aura bien & l'autre aura mal, quelque temps aura beaucoup de moiens,

& autre temps peu, aura trois maris, vn vieil, & le second & dernier ieune, & biens pour le mariage, aura vne morsure de beste au nez ou à l'espaule, plus aura gracieux aspect, aura la teste esgale, sera grosse & belle, les dents delicates & petites, aura vn signe en la partie gauche de la teste, ou en la main gauche, ou au bras, ou en la mamelle contre le cœur, aura le pied leger, prompt de cheminer, sera ingenieuse, sçauante, prudente, astute, sera vn peu auaricieuse en la despence, bonne avec les bons, & mauuaïse avec les mauuais, prompte en la vertu liberale, ne voudra les biens d'autrui iniustement, elle sera superbe, luxurieuse, pernicieuse de la

langue, parlant & criant sans fondement, & occasion, & dira parolles veneneuses, & iniurieuses, sera de l'homme infatiable, acquerra beaucoup de biens, passé les 40. ans, souffrira douleur de cœur, & grande passion sur les 20. ans souffrira quelque inconuenient, & aussi es 47. ans pâtira de maladie, puis aura vn heritage d'vn parent. Et selon la mauuaise fortune aura vn peril d'eau, se trouuera souuentefois desesperée, & aura vn homme son ennemy qui luy fera beaucoup de mal, sera suiectte a voir ombres & visions phantastiques, mais ne s'en esmerueillera pour n'en receuoir aucun mal, sera longue en ses affaires, elle sera folastre, & se-
ra

ra quelque chose criminelle, & sera menée en prison, sera le uie derriere, mais aura victoire contre les ennemis, eschappera de prison, sera parfaicte en les attentions, passant tous les trauaux, puis sur la fin sera de repos, viura 77. ans, le tout est au vouloir de Dieu nostre Seigneur, d'autant que les planettes ne peuvent forcer nostre liberal arbitre.

D E C E M B R E.

LA femme qui naist au mois de Decembre, sera inclinée à ce qui s'en suit: Sera aymable, le visage rouillet, mais la pluspart sont brunettes, ayant le poil noir, les sourcils beaux, les yeux beaux & varians brunets

L

ou noirs , aucunes ont les cheveux roux, soit de quelque mode que l'on voudra , elle sera de beau aspect, elle aura vn signe en la teste ou au bras , ou hanche, en sa ieunesse elle ne sera noire ny blanche, sera cruelle, colerique, incredule, ny se fiera de personne & moins croira personne, elle aura puissance sur ces ennemis, elle sera tât colere qu'elle pourra offenser quelqu'un de sa main, ou pour sa malice le faire tuer, mais ne luy viendra à effect, sera meschante & adultere, aura grande tribulation , sera mesdisante d'autrui, sera au rang des nourrices , sera morduë d'un chien, perdra son mary , & tombera d'enhaut , elle se mariera sur les

18. ans , aura vne grande maladie. Sera blessée & bruslée de feu , elle aura des parens lesquels seront en grande discorde, au parler sera veritable , & luy desplairont les folies en sa vieillesse, sera vtile , & sera naturellement propre, vsera grande diligence en la gentillesse de son corps , se mirant souuentefois au miroir de sa beauté, se tiendra bien ornée de corps , les cheveux seront forts, quelque peu melancolique, & tost apres le repas luy viendra le sommeil, souffrira grand douleur d'estomach & de poitrine , elle se mourra, mais premierement pâtira des genoux ou autre mal en quelque membre , perdra quelques


dents, & aura vne maladie grande en la 21. & 36. année, sera facheuse d'ordinaire, & ira hors de sa patrie, perdra les biens paternels, elle aura vn signe en la partie secrete, & aura enfans, sera luxurieuse prudente & de bon conseil, & ainsi plaira à tous, elle aura force contentement, & aymera les amis, & 40. ans passez aura des biens, viura 69. ans. Ceste œuvre est faicte seulement par curiosité, & non pour croire ny moins determiner de certaine chose, pource que tout est au vouloir de Dieu.

F I N.



A V L E C T E U R.

POur tirer quelque cognoissance de la manuelle Phisionomie, il faut principalement considerer la grandeur de la main, puis la qualité, finalement la substance: pour autant que que les circonstances & les accidens en tels iugemens apportent vne grande signification de ce dont on tasche diligemment satisfaire aux humains desirs. Ausquels desirans suruenir, nous nous efforcerons de leur y donner suffisant commencement, le plus briefvement qu'il nous sera possible.





LA
COGNOISSANCE
DE LA BONNE OV
MAVVAISE FORTVNE
des hommes & des
femmes.

Des qualitez de la main.

L faut attendre que la
grandeur de la main
prouient quelquesfois
du grand trauail ma-
nuel : il aduient mesmes que ceux
qui trauaillent grandement ont
les mains grosses. Encores s'en
trouue-il quelquesfois de natu-

L iiii

128 *La cognoissance de la bonne*
rellement grosses : c'est à sçauoir
par la grosseur des os & des nerfs ;
& alors les personnes qui les ont
telles (soient hommes ou femmes)
sont naturellement fortes. La
grosseur de la main est aussi au-
cunefois causée par grande abon-
dance de chair : & les personnes
de telles mains sont naturelle-
ment yvrognes, viles, & luxu-
rieuses. Qui a grosses mains &
doigts aigus vers l'extrémité des
ongles, est faux & conuoiteux :
Mais qui les a larges vers l'extre-
mité est fidelle & bon cōpagnon.
Qui a la paume de la main large,
& les doigts longs, est fort subtil
és œuures manuelles, & bien di-
spos à sonner de Cistres & Orgues :
& qui l'a petite & les doigts gros,

se ra bon escriuain : mais il mour-
ra d'apostume. Qui a les mains ny
trop grandes , ny trop petites,
mais bien proportionnees selon
la forme du corps , est personne
bien accommodee à ses regoces :
& qui a les mains petites , est en
ses affaires de nature effeminee ,
mais insatiable , odieux , volage
d'esprit , & en qui l'on ne se doit
fier. La femme qui a les mains
verdes , a le diafragme rompu , &
la nature tellement enleuee , qu'elle
est facile à copulation , mais non
à conceuoir. Qui a les mains gros-
ses & grasses , est de gros & lourd
esprit : mais c'est signe de femme
fort desireuse & prompte , &c.
Qui a les mains longues , est fort
adroit en ses affaires , & amou-

130 *La cognoissance de la bonne*
reux des Dames : Mais qui a les
doigts courbez, mal disposez, &
non bien conioints, est menteur
& bauard : & qui n'acorde point
ses faits à ses paroles. Si quel-
qu'un, soit homme ou femme,
se trouue auoir la main sans li-
gnes, il est bestial, tant en sa vie
qu'en autre chose : sinon qu'elles
fussent consommées & perduës
par un trop continuel trauail. Il
y a trois lignes en la main, dont la
premiere est nommée Obruti-
con, qui commence à l'Indice, &
se termine à l'Auriculaire. La se-
conde est semblablement dictée
Obruticon (mais opposite à la
premiere) estant ceste seconde
sous le pouce. La troisieme est
posée entre ces deux : lesquelles

n'apparoissans, donnent aparence de mal caducq. Si ceste ligne mitoyene se termine entre l'Indice & le Mitoyen, elle signifie mort subite: si elle se trouue tranchée perpendiculairement par quelque autre ligne, elle denote mort causée par apostume: mais si elle cōmence de la mitoyenne, elle signifie santé. Si elle est droite & sans jaunisse, elle signifie verité en paroles: mais estant entre-rompuë, fausseré. Si elle iette quelques petites lignes, elle signifie cautelle & prouidence. Si entre l'Obruticon & la mitoyenne se trouuent quelques petites lignes, cela denote mort parmy grands honneurs: pource que la ligne mitoyenne demon-

132 *La cognoissance de la bonne*
estre la vie, laquelle estant courte,
demonstre courte vie. Si elle
s'estend outre le milieu de la pau-
me, elle la fait plus longue : mais
estant fourchuë au bout , cela
signifie seculiere , & neantmoins
deuotieuse vie.

DE LA LIGNE
Obruticon.



A ligne Obruticon, qui
est dessouz le pouce , se
trouuant continuelle
& sans entrebriseure ,
signifie mort en la patrie ; mais
estant couppee , mort par diuer-
ses infirmitiez , & s'il en sort quel-
ques petites lignes , cela denote
que l'on passera la mer : mais que

possible l'on n'en retournera pas. Si elle a en son extrémité lignes entrecroisées, avec deux signes figurez presque comme estoilles, cela denote felicité en l'estre du personnage de telle main : Et si en la haute partie sous l'indice se trouue quasi comme vne estoille, Religieuse vie. Si elle a deux ou trois pointes, elle signifie recherche de deux ou trois climats. S'il se trouue plusieurs lignes entre l'Obruticon & le poulce, quasi perpendiculaires vers l'Obruticon, elles denotent richesses: Mais si ce sont plusieurs petites croix non perpendiculaires, cela signifie que l'on souffrira beaucoup pour les biens. Si vers la iointure du poulce il y a

134 *La cognoissance de la bonne*
vne ligne en forme de rets, com-
posée de plusieurs autres lignes, &
qu'il y ait plusieurs fenestres, cela
signifie qu'on ne sera iamais
fraudé par les richesses.

Du poulce & de ses iointures.

SI le poulce qui a deux ioin-
ures, se trouue auoir la li-
gue qui est aupres la main, iau-
nastre, cela denote richesse &
gloire. Si la ligne de la iointure
du poulce est totalement esten-
duë aupres de l'ongle, si qu'elle
enuironne le poulce, tel signe
menace que l'on sera pendu, &
si elle discontinuë d'un costé, on
sera decapité. Toutesfois il faut
toufiours entendre que telles

choses soient approuuées par les constellations, lesquelles neantmoins ne contraignent les personnes si fort qu'elles ne puissent euter les malheurs.

Aduenant doncques qu'il ne se trouue des lignes entre la premiere & secõde iointure du poulice, on prendra de la ligne de petite suffisance: mais s'il y a certaines lignes à l'environ, autant qu'il y en a, autant signifient-elles de concubines: & si deffous la paulme a costés'en y trouue aucunes, autant de lignes autant d'enfans.



*Des quatre doigts de la main,
& de leurs lignes.*

MAintenat nous parlerons des quatre doigts, qui ont l'indice, le miroyen, l'annulaire & l'auriculaire, & ont trois parentes iointures, en chacune desquelles ne se trouuant plus d'une ligne, cela denote mort soudaine. Mais s'il s'y en rencontre deux esgalement distantes, c'est signe d'un homme veritable & bon. A propos de quoy il vous faut estre aduertis qu'on voit quelquesfois en une main plusieurs signes differents, & qu'alors on doit asseoir le iugement selon la plus grande quantité,

ou mauuaise fortune. 137
tité, & mesme selon les plus forts,
pour autant qu'ils sont de plus
grande efficace, non seulement
que la moindre quantité, mais
encor que les moins fortes.

*Du reste des lignes aparentes és ioin-
tures des quatre doigts.*

SI en la mitoyenne iointure
le chaque doigt ne se trouue
nulle ligne, & qu'il y en ait deux
és deux autres iointures, cela de-
notera tres-assuréement la perte
de l'un des yeux.



*De la couleur de la main, & des li-
gnes d'icelle.*

SI les lignes de la main se trou-
uent rouges, soit à hom-
M

138 *La cognoissance de la bonne
me ou à femme, la personne est
sanguine: mais si elles sont rou-
ges & larges, & non les mains, elle
est luxurieuse. Et cecy est tres-bon
pour cognoistre la virginité tant
d'un garçon que d'une ieune fil-
le, pour autant que les ayans
longues, & non larges ny rou-
ges, ils sont vierges indubitable-
ment.*

*De la ligne de vie, & des autres
principales.*

SI la ligne de vie entre le
Spoulce & le prochain doigt
est enflée, tant à l'homme qu'à
la femme, cela denote inclina-
tion à homicide. Si l'on voit une
croix sous la ligne capitale, c'est

signe qu'on acquerra avec difficulté grande. Si la vitale est droite & estendue iusques au bout d'embas de la main, c'est signe de longue vie, d'audace & de bonne disposition : mais si elle discontinuë, & qu'elle soit courte, tant en l'homme qu'en la femme, peu souuent, ou iamais paruiendront-ils à leurs attentes : & si elle se trouue auoir de tels rameaux  tendans en haut, cela signifie hōneurs : & tout au contraire, se iettans contre bas  S'il y a en bas vers la tascette ou racine de la main vne telle figure O, cela denote perte d'un œil, & s'il s'y en trouue deux OO, perte de tous les deux. S'il y a en la fin de ceste-cy vn petit Triangle, cela

140 *La connoissance de la bonne*
signifie desir d'estudier, conuoitise de gloire, & peur où il n'en est besoin. Si la ligne capitale est bien continuée & droicte, cela signifie bonne complexion de teste & de cerueau: mais si elle est suffisamment longue, tellement qu'elle s'estende iusques au mont de la main, elle denote bonne vie: & si elle est si courte qu'elle ne passe la concavité de la main, elle signifie que la personne est paoureuse, auare, & de petite foy: & si elle se rencontre fourchue vers la partie d'embas, elle denote seculiere, & neantmoins deuote vie. Si la ligne de l'estomach, ou du foye est continuelle & bien coulourée, elle signifie bonté d'estomach & de foye:

ou mauuaise fortune. 141

mais si elle n'apparoist, ou qu'elle discontinuë, elle denote le contraire, & si elle est fort rouge vers la vitale, elle signifie douleur de teste par disposition du foye: & si elle est fenduë d'un costé, tant qu'elle paruienne iusques dans la cōcavité de la main, c'est signe d'une prochaine maladie. Le Triangle presque equilateralle, signifie l'homme fidele, de longue vie, aymable, & fameux. Quant à l'angle du Triangle, causé par la vitale & par la ligne Capitale, il se termine en trois sortes. La premiere est quād la Vitale & la Capitale se ioignēt dans la concavité de la main, quasi par l'opposite de l'espace, qui est entre l'indice & le doigt

142 *La cognoissance de la bonne*

Mitoyen, ce qui à l'heure signifie miserable vie, captiuité, & sollicitude pour amasser deniers. La seconde est quand icelles lignes s'assemblent par l'opposite du milieu de l'indice : & alors c'est signification de bonne disposition & de subtilité d'esprit. La troisieme est, quand telles lignes sont distantes l'une de l'autre, ce qui signifie alors l'homme estre déplaisant, fascheux, fol, cruel : mais beau parleur, propre, mesdisant, prodigue, & menteur. Si la ligne du poulce est vnue en la iointure aupres de la min, & qu'elle soit continuelle, denote prosperité en biens : mais si elle est escartée ça & là, signifie qu'ils seront follement dissipiez. Si le

signe de la jointure du poulce, aupres de l'ongle, enuironne totalement le poulce, cela signifie que l'homme ayant telle main, fera pendu, ou qu'il aura la teste tranchée, ou pour le moins qu'il fera autrement iusticié pour les delicts : & auenant qu'elle discontinuë en quelque petite partie, cela donne à entendre qu'on pourroit euitter tel danger, pourueu que l'on vst de prudence. L'angle causé de la Vitale & de la ligne du foye, estant droit & bien apparent, denote bonté de cœur, & forte vertu, & la complexion naturellement encline à bien : & s'il est estroict, ou aigu, il denote auarice : mais s'il n'y a point d'an-


144 *La cognoissance de la bonne*
gle, ou que les ligness'assemblēt,
cela signifie varieté & instabili-
té d'esprit, infidelité. L'Angle
causé de la ligne Capitale & de
celle du foye, estant bien dispo-
sée, signifie bon esprit & longue
vie. Si la Mensale est droicte,
large & continuée, elle denote
bonne disposition naturelle, &
vertu esgenitoires: mais s'alon-
gissant outre la moitié de l'indi-
ce, signifie cruauté, ire, enuie, &
detraction d'autrui: & si elle a
les rameaux tendans en haut, elle
signifie exaltation & honneur, y
montant le pauvre peu à peu: &
si le haut de telle ligne va chercher
celle du chef, c'est signe d'un flat-
teur & mensonger, & qui mur-
mure & picque en absence: & si
telle

ou mauuaise fortune. 145

telle ligne regarde le doigt mi-
royen, c'est signe d'estre aydé de
fortune : mais si elle entre dedans
le doigt mesme, cela signifie de
n'estre iamais sans traualx : & si
elle a certaines creuaces, ce sont
marques de paillardise & mé-
chanceté, & si elle est continuelle
& marquetee de petits poincts,
elle signifie debilité de naturelle
chaleur, & impuissance à engen-
drer. S'il y a vne ligne au Mont
du pouce aupres de la vitale, cela
signifie paillardise, & que l'on
mourra hors d'avec les siens : & si
vne ligne venant presque de la
racine du pouce fent la vitale,
cela signifie mutation, & longue
vie.

N

DE LA MAIN DEXTRE
tant de l'homme que de la
femme.

QVand l'on verra quelques apparences rouges, quasi comme trous entrecoupez en la main de la femme, & qu'on y trouue vne telle figure Y esleuee, alors on peut dire qu'elle est enceinte: & si telle figure tend deuers l'angle en ceste façon,  ce sera d'une fille. Si la vitale s'enfle entre le pouce & l'indice, c'est signifiante que son fruct sera suffoqué, ou quelque autre de ses enfans: & si elle est teinte de diuerses couleurs, c'est à dire qu'elle s'abandonne à plusieurs

hommes. Si la ligne du foye & de l'estomac a deux fourchons deuers le bras F, en telle maniere, cela signifie qu'elle mourra de mort violente pour l'arrecin, ou qu'elle mourra au feu. S'il y a des croix au Mont de l'Indice, ou lignes apparentes, elles signifient honneurs & dignitez: mais si au Mont du mitoyen se trouuent certaines lignes entremeslees, ou estenduës à part foy, elles denotent engoiffes, fascheries, pauuretez, calomnies emprisonnements, violences, & opression. S'il en naist dans la concauité de la main, & qu'elles s'estendent outre par la iointure du doigt, elles denotent que la femme sera mise en prison, & aucunesfois

148 *La cognoissance de la bonne*
qu'elle mourra, si les lignes sont
fort estenduës. Si l'on trouue au
Mont du milieu certaines apa-
rentes lignes, elles signifient a-
uancemens, subtilité d'esprit, &
recherche de diuers arts: & si cer-
taine ligne les fend, cela denote
empeschemēt. Si l'on void quel-
ques lignes proceder de la racine
de l'Auriculaire par le Mont d'i-
celuy, tendants vers le Mont de
la main, elles signifient la fem-
me mensongere, desordonnee,
sujette à desrober par larrecin &
insidiations. Si la table de la
main est large & ample, elle si-
gnifie largesse, bonne disposi-
tion, & amitié: mais si elle est
estroicte, discord, auarice, & ini-
mitié. Si l'on trouue quelques

lignes au Mont de la main, tendants vers la Menfale, elles signifient amis estranges: mais si elles tendent vers la fin d'embas, elles denotent amis de la nation ou parenté. Si en la percussion de la main se trouue tel signe V, il signifie mortels ennemis, ou perir de casuel precipice. Si l'on void vne telle figure au Mont de la main, aupres la vitale, & ioignât le poignet, elle signifie parricide ou sacrilege: & que la femme est tres-meschante & paillarde. Si la ligne qui est au bras & en la main, au poignet, est droicte & continuelle, cela denote la femme estre plus curieuse de ses affaires que de celles d'autrui: mais si elle est tortuë ou brisce,

150 *La cognoissance de la bonne*
plus de celles d'autrui que des
siennes propres. S'il se trouue
quelque poil, nœud ou super-
fluité de chair en la racine du
Mitoyen, ou de l'indice, ou en
leur seconde ioincture, enuiron
ces espaces d'entre deux, cela si-
gnifie trauaux démesurez, &
presque continuels, & diuersitez
d'entreprises. Si en la main y a li-
gnes trauersantes, qui fendent
les lignes naturelles, cela signifie
d'estre employé & entremis en
diuers negoces: & s'il y a en la
main d'une femme plusieurs li-
gnes, cela signifie qu'elle est be-
stiale. Si au muscle de l'auricu-
laire hors de la ioincture, ou ioin-
tures aparoist vne ligne oblique,
elle signifie submerfion ou dan-

ou mauuaise fortune. 151

ger d'eau en l'enfance : si elle est
au Mitoyen, en l'adolescence: en
l'anelier, à my-aage : en l'indice
sur la vieillesse : & au pouce, en
l'aage decrepit. Si les doigts sont
longs & menus, ils signifient bõ
esprit, principalement és meca-
niques : mais s'ils sont cours,
denote l'homme fol & enuieux:
& s'ils sont espars, pauureté &
misere. Si les ongles sont lar-
ges, longs, presque rougeastres,
c'est bon signe, mais estàs courts,
mauuais. Si és ioinctures des
quatre doigts près la main, n'y
a qu'une ligne, cela denote mort
presque subite : mais s'il y en a
d'auantage, longue infirmité &
difficile mort.

O iij

*DE LA QUALITE,
quantité, proportion & li-
neature de la main.*

NOus parlerons principa-
lement de la quantité :
pource qu'elle est plus prochai-
ne de la substance immediate-
ment ; dont nous disons que la
parfaicte quantité de la main
consiste en trois manieres. La
premiere est qu'elle soit en son
genre de concedente propor-
tion & grandeur. La seconde
est, qu'elle soit telle à l'esgard
du corps. La tierce, que toute
partie d'icelle corresponde à
proportion de l'autre. Qui a
donc telle main, est de bonne

ou mauuaise fortune. 153

nature & complexion, & audacieux, & qui a les mains courtes à l'esgard des autres parties du corps, doit estre tenu pour cauilateur, fin, & fort, & encores si les mains & les doigts sont fort cours au respect des autres parties, cela denote que l'homme est transgresseur, larcon, insidiateur, & malin: Mais si les mains sont assez grandes à comparaison du reste, elles signifient l'homme estre caut, trompeur, bauard, & mocqueur. Aussi cognoist on le paresseux, negligent, & fol quand il a la paume longue, avec les doigts courts & gros: si les doigts de telle paume sont forts cours, ou fort longs, ils signifient

154 *La cognoissance de la bonne*
l'homme yurongne: & s'ils sont
fort rougeastres, flegmatique
de complexion. Si les femmes
ont la paume fort courte, ce leur
est signe d'enfanter fort diffi-
cilement, pour raison de la peti-
tesse de la fente feminine: estant
icelle fente semblable à la lon-
gueur qui est du dos du Mi-
toyen, descendant de la pre-
miere ioincture par la paume
iusques au poignet: laquelle
estant doublée fait la mesure du
pied: qui a la paume longue avec
doigts proportionnez, est in-
dustrieux en beaucoup de cho-
ses, & mesmement à la coustu-
re. Les mains charnuës, & bien
compassees de iointure à autre,
promettent longue vie: & les

concaues (soient compassees, ou non) la signifient courte. Les mains longues & gresles denotent tyrannie : & les tenuës & courtes , gourmandises & bauarderie. Si les mains & les bras sont si longs , qu'ils puissent estant le corps debout & tout droit s'approcher des genoux, cela denote force de cœur : mais s'il y a honneste grandeur & beauté, cela signifie bonté: & si les doigts sont petits & mols, ils denotent l'homme fol, cruel, audacieux, & enuieux: & qui les a fort tenuës, c'est signe de folie. S'il a conuenante espace en leur distance , cela denote legereté & bauarderie. S'ils sont conioints, pourueu qu'ils soient de facile

156 *La cognoissance de la bonne*
transparence iusqu'à l'air) longs
& droitz c'est signe d'un grand
courtisan : & quand ils sont tel-
lement serrez que l'air ne peut
transparoïr, estans ainsi assem-
blez signifient auarice & mali-
gnité : mais si les doigts estans
droïcts & estendus, se renuer-
sent & plient en arriere, ils de-
notent l'homme enuieux, sub-
til, & ingenieux, principale-
ment si les doigts sont menus.
S'il se plient sur la derniere join-
ture, ils signifient l'homme en-
uieux : & estans fort espars, de-
notent misere, pauureté, & ba-
uarderie. Qui remuë les doigts,
comme sus vn clavier ou tam-
bour c'est signe de songer mal :
& qui a coustume de frapper des

main sen parlant, & ne s'en peuc
abstenir, cela denote imperfe-
ction, & passion d'esprit, & au
contraire, si a quelqu'un qui
tremble la main, quand il l'estend
pour prendre quelque chose, ce-
la signifie facile reconciliation
de son ire, & petite santé s'il n'est
pas ieune: s'il est ieune il n'est
pas fort, mais est melancolique,
ireux, triste & mal-pésant, quand
aucun va vers quelque bien de
son appartenace. Au demeu-
rant il est goulé en mangeant,
mal-veillant & querelleux. Si
coustumierement il tient la main
close en cheminant, & branle le
bras, il est impetueux: & s'il
tient le poulce entre les autres
doigts, il est fort auare & tenant.

158 *La cognoissance de la bonne*

Les angles larges, longs, blancs tenuës, presque rouges, denotent fort bon esprit, mais longs & esteints, denotent folie & infirmité, & s'ils sont recourbez, signifient rapacité. Si les doigts sont maigres, ils denotent etique passion. Les angles fort courts denotent l'homme malveillant & discordant, & autant signifient ils estant passes: quand ils sont ronds & aspres, c'est signe luxurieux: mais s'il y a quelques poinçts blancs, cela denote bons amis: & s'ils sont noirs, ennemis & persecuteurs. La couleur blanche, claire, & quasi rouge esgalement, denote commune bonté d'esprit, mœurs & coustume, pourueu

que telle couleur soit naturelle :
& si la rougeur gagne la clairté
en la main, c'est signe de com-
plexion sanguine : & si elle est
perle, cela signifie oyssiueté, &
principalement quand elle est
variée. Si telle rougeur est bru-
ne, elle denote grosseur de sang,
mais si elle tire sus le verd, ou
bien sus le iaune, plus que sus le
blanc, elle signifie colere noire: si
elle reuient sus couleur citrine, el-
le denote la personne colerique,
& si elle tient de la citrine meslée
avec blancheur, cela signifie per-
te d'esprit par amours, principa-
lement si les yeux sont profonds
& mobiles : mais si la blancheur
surmonte, & que la rougeur
soit aucunement diminuée, cela

160 *La cognoissance de la bonne*
signifie abondance de flegmes :
& s'il y a participation de ver-
deur, cela denote mauuaise qua-
lité de flegmes : c'est à sçauoir
estant la couleur plombée. L'at-
touchement temperé & bon,
consiste en la complexion deter-
minée des premieres qualitez,
despendantes de chaleur & dou-
ceur, fragilité, aspreté & gran-
de carnosité de la matrice, pour-
ce qu'iceluy attouchement si-
gnifie bonté de complexion,
grandeur d'entendement, &
prompte apprehension d'esprit.
L'attouchement chaud, meslé de
douceur est signe de chaude &
humide complexion : & s'il est
meslé d'aspreté, denote qu'elle
est chaude & sèche : & s'il est
froid

froid & melle de douceur, c'est
signe de flegmes : & s'il est melle
d'aspreté, c'est grande signi-
fiance de melancholic. La gros-
seur de nerfs & iointures deno-
te la personne forte : & s'ils sont
menus, laches, & cachez, ils la
signifient debile. Les veines fort
larges & apparentes, denotent
l'homme coleric : les retirées,
melancholic : les profondes, fleg-
matic : & les apparentes, en suf-
fisante proportion, sanguin.
Les cheueux en descente quan-
tité, & les poils sus le dos des
mains, & principalement enui-
ron la partie inferieure, & vers le
pouce, & les autres doigts signi-
fient bonne complexion & viri-
lité : mais beaucoup de poil de-

162 *La cognoissance de la bonne*
note instabilité: & si telle pilosité
est mal ordonnée & discontinuée,
par cela denote complexion de-
fordonnée, & esprit de mesme: &
s'il y a peu de poil, c'est signe de
froideur d'esprit. Si la main est
sans poil, c'est signe de mauuaise
mœurs en l'homme, & qu'il est
fol, presumptueux, & bestial: &
estant sans barbe, il est eunuque:
mais s'il y a suffisamment de poil
sus le dos des mains, vers la per-
cussion, tellement qu'ils y en ait
aucuns de couleur meslée iusques
sus les deux premieres iointures,
ils donnent à cognoistre que
l'homme est de tres-bon esprit, &
de tant & subtil entendement.

*Diuerfité d'opinions , touchant le
iugement.*

AVcuns veulent que les iugemens de ceste science ne s'exercent sinon en certain temps & iours , disans que l'on doit considerer la main dextre de l'homme en Esté seulement , ou en la primevére , au Dimanche ou au Ieudy : & celle de la femme , en Hyuer , au Vendredy : mais pourtant ils n'ont point assigné certaine heure pour y auoir esgard. Il y en a eu d'autres depuis (peut-estre plus autentiques) qui ont esté d'aduis que telle diuerfité se deuoit obseruer en quelques mains & aages : mais

164 *La cognoissance de la bonne*
qu'on prist garde à la main dextre, tant de l'homme que de la femme : c'est à sçauoir considérant les cinq lignes au mont du poulce : & si on ne les y trouue, ils veulent qu'on recourre à la senestre : & ont voulu aussi qu'on considere les mains des enfans, pour autant qu'en icelle les signes sont assez apparens. Les naturelles lignes en la paume de la main sont quatre : & toute main forme vne ligne directe vers le Triangle, commençant au pied de la ligne supérieure du Triangle supérieur, denotant la vie selon la qualité de leur longueur : tellement que si elles se retraisissent vers le vuide de cet Angle, elles denotent

ou mauuaise fortune. 165

honneste mort : & si ceste ligne directe passe par le trauers , deuant la fin du Triangle, & qu'il s'y face vn arc , moyennant vne autre ligne, cela signifie mort : & s'il est long deuers la fin , mort en eau : mais s'il se trouue en la largeur du Triangle vn O, la personne demeurera vierge : pourueu que ceste largeur variée par vne ligne trauerfant. S'il se trouue vne telle figure E, enuiron le premier doigt du pied, en la ligne naturelle, cela denotera Religieuse prééminance : & si au pres la racine d'icelle se trouuent trois verges entrecouppées par vne petite noire H-I, c'est signe de lepre : s'il sort vne petite branche du pied de la premiere natu-


166 *La cognoissance de la bonne*
relle ou d'une autre, c'est signe
d'aller en pelerinage voyager : &
si la ligne de vie precedente d'i-
celle luy ressemble au commen-
cement, elle signifie douleur
de teste. S'il y a deux CC en la
fosse de la main, c'est signe de
tuer. S'il se trouue au mont du
poulce vne petite branche, qui
fende iceluy poulce, elle signi-
fie luxure entre ses parents. Si
plusieurs petites branches for-
tes passent entre les deux ioin-
ctures du poulce par le trauers,
c'est signe de grand parentage,
& au contraire, s'il se trouue en
toute la percussion de la main,
dedans ou dehors, plusieurs li-
gnes entremeslées, elles deno-
tent tenacité. Et si sur la fosse de


ou mauuaise fortune. 167

la mitoyenne naturelle se com-
mence presque vn G qui passe
par icelle, & que la table soit cour-
be, c'est signe de retour de quel-
que lieu que ce soit, avecques fe-
licité: & si en la superieure ligne
deuers la fin d'icelle en la premie-
re table se trouue vn P, il denote
Seigneurie.

F I N.









267

V
628



